

四庫全書考證

八



貴州省圖書館  
中文舊書



J  
17.8

證考書全庫四, 79

(八)

輯纂等岳太王

四庫全書考證卷十八

經部

孝經注疏

經典釋文

融堂四書管見

四如講稿

六經奧論

十一經問對

五經蠡測

七經孟子考文補遺

九經古義

經稗

羣經補義

九經辨字瀆蒙

程氏經說

古微書

孟子注疏

論語全解

論語解

論語集說

四書纂疏

論語通

孟子通

四書通證

四書纂箋

四書因問

日講四書解義

孟子師說




古樂經傳

古樂書

四庫全書考證

卷十八

六八一



孝經注疏 宋邢昺撰

卷一

愛敬盡於事親。疏庶人既無守任。不假言保守也。刊本言訛旨。今改。

卷二

士章第五。疏推一合十爲士。刊本合訛答。據許氏說文改。

卷三

道之以禮樂而民和睦。疏趙衰薦卻縠云。刊本縠訛穀。據左傳改。

昔者明王之以孝治天下也。疏古曰在昔。昔曰先民。刊本脫下昔字。據國語增。

卷五

聖人之教不肅而成。疏內則子能食食。教以右手。刊本上食字訛飲。據禮記改。

經典釋文 唐陸德明撰

卷一

周易注解傳述人。後漢范升。刊本范訛苑。據後漢書改。又宋衷注九卷。注後漢荊州五業從事。刊本業

訛等據隋書經籍志改。

毛詩注解傳述人陸璣毛詩草木鳥獸蟲魚疏二卷注烏程令刊本缺程字據隋書補。

穀梁注解傳述人尹更始穀梁章句十五卷刊本尹訛漢據隋書改。又唐固注十二卷注字子正丹陽

人刊本缺子正丹陽四字據三國志注補。

老子注解傳述人釋慧嚴注二卷刊本缺嚴字據隋書補。又案慧隋志作惠與此異。

卷二

周易音義坤卦閉必計反字林兵結反刊本必訛心兵訛方並據注疏改。

漸卦于陸注高山頂也刊本山訛之據注疏改。

卷三

尚書音義堯典女尼據反刊本尼訛而據說文改。

西伯勘黎勘說文作彘刊本彘訛彘據說文改。

卷四

畢命施始鼓反刊本鼓訛銳據注疏改。

卷五

毛詩音義施丘佐牧注州牧之佐刊本佐訛牧據注疏改。

卷六

九罭。袞衣。注。六罭之第二章也。刊本章訛者。據注疏改。  
采薇。象弭。注。以象骨爲之。刊本脫骨字。據鄭箋增。  
郡人士。建其反。刊本其訛莫。據注疏改。

卷七

生民。弓韜。注。弓衣。刊本衣訛也。據注疏及禮記鄭注改。  
桑柔。穡。注。吝嗇也。刊本吝訛名。據鄭箋改。  
絲衣。不吳。注。說文作吳。案吳。說文亦作吳。收矢部。此誤引。

卷八

周禮音義醫師。扁鵲。注。史記云。姓秦。名少齊。越人也。案史記作姓秦氏。名越人。此訛引。注疏本亦同。故仍其舊。

卷九

司弓矢。與弓。刊本與訛庾。又注或作庾。刊本庾訛庚。據考工記改。  
車人。算必至反。刊本算必至訛。算簿歷。據說文改。

卷十

儀禮音義鄉射禮相工注息亮反刊本亮訛幹據注疏改。  
有司第十七注鄭云上大夫刊本脫上字據鄭康成目錄增。

卷十

禮記音義季春爲駕注母無也案鄭注駕鴝母本爾雅釋文此母無當是鴝母之誤。

卷十二

禮運以治政注直吏反下文注以治事同刊本事訛政據注疏改。

禮器熏裳刊本裳字訛入注內據經改。

內則蜉本又作囊刊本缺囊字據說文及漢書補。

卷十三

樂記封黃帝之後於薊注燕祖召公與周同姓刊本祖訛國郡二字據尚書孔傳詩鄭箋及史記改。

卷十四

表記旦旦注說文作息刊本說文訛字林據說文改。

鄉飲酒義成魄注說文作霸云月始生霸然也刊本始訛如霸訛魄據說文改。

卷十五

春秋音義莊公十年其轍注其列反刊本其訛宜據注疏改。



卷十六

僖公二十八年。鞞。注。說文云。引軸。刊本引軸訛軸也。據說文改。  
文公十四年。子變。注。悉協反。刊本悉訛普。據注疏改。

卷十七

成公五年。以傳。注。直戀反。刊本直訛中。據注疏改。  
成公十三年。螫賊。注。蟲食苗根爲螫。刊本脫根字。據爾雅增。  
襄公十年。及著。注。張慮反。刊本張訛都。據注疏改。

卷十八

昭公三年。滋侈。注。尸氏反。刊本尸訛尺。又道瑾。注。毛詩作瑾。刊本瑾訛瑾。據毛詩改。

卷十九

昭公十二年。有酒如淮。注。學者皆以淮坻之韻不叶。刊本叶訛切。據注疏改。  
昭公十四年。公子鐸。注。待洛反。刊本待訛符。據注疏改。

卷二十一

文公十五年。竹籜。注。如頻反。刊本脫反字。今增。  
成公十七年。蜚林。注。又作配。刊本作訛音。據注疏改。

卷二十二

僖公二十五年。旬師注。徒徧反。刊本徒訛扶。據注疏改。

卷二十三

孝經音義。聖治章。后稷注。后稷名弃。周之世祖也。刊本稷訛社。周下衍公字。據注疏改刪。

卷二十四

論語音義。八佾旅注。傳祭山曰旅。刊本傳訛接。據尙書孔傳改。

卷二十五

老子道德音義。於是授漢文以老子章句四篇。刊本以字訛在漢字上。據序錄改。又颺注。梁簡文作飄。

敷遙反。河上作淵兮。刊本簡文二字訛在飄字下。又衍云字。河上下脫作字。並改刪增。

卷二十六

莊子音義。大宗師。容冢注。本亦作寂。崔本作宋。刊本冢訛家。宋訛宗。案冢宋並古寂字。今改。

卷二十七

駢拇。煌煌注。火光也。刊本火訛光。據廣雅改。

馬蹄棧注。編木作櫺。似牀曰棧。刊本櫺訛靈。據郭注改。

在宥。嚆矢注。或作矯。矯揉也。刊本揉訛臬。據世德堂本改。

卷二十八

徐无鬼。郢人注。漢書音義作癩人。音饒。刊本癩訛優。饒訛混。據漢書改。外物。牯注。說文云。駮牛也。刊本脫牛字。據說文增。

卷二十九

爾雅音義。釋詁。籓注。說文云。草大也。案說文草部。藟。草大也。竹部無籓字。此誤引。

釋言。肯注。或作古冑。字林作冑。刊本冑冑並訛冑。據爾雅注音改。

釋訓。控控注。小雅云。截穎謂之控。案此係小爾雅之文。李善注文選引小爾雅俱作小雅。係唐人省文。

釋天。注。釋名云。天豫司竟翼。刊本脫翼字。據釋名增。

卷三十

釋草。菑注。秦謂之蔓。刊本蔓訛夏。據說文改。

釋木。枹注。逋菱反。刊本菱訛莠。據注疏改。

釋鳥。鳩注。鷓鴣。今之巧婦鳥。案爾雅郭注。鷓鴣。桃雀也。俗呼為巧婦。爾雅鷓鴣鷓鴣。此云鷓鴣。今之巧婦

鳥誤。

釋獸。獯注。呼九反。刊本呼訛子。又兔注。湯故反。刊本湯訛勑。又獺注。湯錯反。刊本湯訛勑。並據爾雅注音

改。

融堂四書管見 宋錢時撰

卷一

子貢問君子章。誠力行。雖不言可也。原本脫行字。今增。

卷二

定公問君使臣章。先儒把禮與忠對說。原本對下衍博字。今刪。  
我未見好仁者章。不行而至。原本脫至字。今增。

卷三

子謂公冶長章。正所謂無妄之災。原本災訛疾。據周易改。  
非不說子之道章。知所以說。則知所以用力。知所以用力。則自強不息。原本脫下知所以用力五字。今增。

卷五

顏淵喟然嘆曰章。足以破千古之惑矣。原本惑訛達。今改。

卷六

哀公問於有若章。君子厚下安宅。刊本下訛不。據周易改。

卷七

公叔文子之臣章。特言其進不隱賢。刊本進訛道。今改。

卷八

知及之章。乃若夢乍醒。刊本夢乍訛醒。作今改。

生而知之者上也。章乃向此一路。方肯用力。刊本乃向訛方面。今改。

卷十二

瞻彼淇澳章。有斐君子。注詩作匪。刊本匪訛飛。據毛詩改。

卷十三

人皆曰予知。章。罟獲陷阱。注疾郢切。原本疾郢訛才性。又脫切字。並據韻會改增。

齊明盛服節。注備見忠厚樂易之意。原本厚訛剛。今改。

今夫天節。天地雖大。在此不貳中。刊本此下衍物字。今刪。

四如講稿 宋黃仲元撰

卷一

開堂講義。徂徠石氏。刊本石訛百。據宋史改。

卷二

孟子貢助徹章。畫一井九百畝之田。刊本畫訛盡。今改。

予未得爲孔子徒也條。同時如荀卿所學所見迥別。刊本別訛到。今改。

卷三

中庸條。以衆人望人。則道在人。刊本衆訛遠。又著重在誠之爲貴。刊本著訛受。今並改。

卷四

詩二南條。武三成而南。刊本南訛國。據禮記改。

賓之初筵章。此賓筵。所以因飲酒而悔也。刊本酒訛食。今改。

周禮條。周禮乃周公致太平之迹。故能答臨碩問難。刊本臨訛林。據後漢書改。又奏立樂經。刊本經訛

官。據前漢書改。

卷五

春官太卜條。帝堯降二女爲舜妃。刊本爲訛以。今改。

一陰一陽之謂道條。吾觀陰陽變化。刊本脫變字。又孰知一陰一陽者。天道之運。刊本知訛如。今並增改。



卷二

古文尙書序凡三千二百四十篇。刊本三訛二。二訛四。並據尙書疏改。

卷四

因舊史以修春秋論。晉魏曼多仲何忌之不書其名。注哀七年。刊本哀訛襄。據春秋改。

列論衛侯燬書名以貶之。注僖二十五年。刊本僖訛隱。又紀大夫子帛反居莒子之上。注隱二年。刊本

隱訛僖。並據春秋改。

卷六

周禮傳授圖。劉歆列七略。授一人杜子春。刊本一訛二。又人下衍緱氏二字。案緱氏乃河南縣名。卽杜子春所居之地。考賈公彥周禮廢興亦止云河南緱氏。杜子春受業於歆。非有二人也。今據改。

十一經問對 元何異孫撰

卷一

問孔子其先曰宋人。對別爲公族。姓孔氏而孔父生子木金父。刊本上父字訛子。今改。  
問第十九篇多記子夏之言。刊本夏訛貢。今改。

卷四

問。凡建邦國。以士圭土其地。對度其地。限其疆域也。刊本也。訛地。今改。  
問。鄉三物。賓與對。鄉大夫以賓燕之禮與之。刊本鄉訛卿。今改。

卷五

問。所謂大射之禮。對射中得爲諸侯。不中則不得爲諸侯。此等言語難信。刊本難訛。雖今改。

五經蠡測 明蔣悌生撰

卷一

易坤六三。象曰。含章可貞。以時發也。或從王事。知光大也。刊本含章至大也。十六字。訛作或從王事。以時發也。八字。據經改。

屯六二注。小象以禽字與窮字叶韻。可見一東與侵字叶。案禽字。比五象與中字終字爲音。恆四象與中字容字終字功字爲音。易林履之夬亦與攻字功字爲音。此禽字古自作渠容切。非謂一東之可與侵字叶也。此誤。

此先王以建萬國。親諸侯。注。萬國咸寧之象。刊本象訛衆。今改。

卷二

書康誥。我西土惟時怙冒。注。至罄二字。莫若易盡字。刊本盡訛無。今改。

呂刑獄成而孚注。蜀李成有罪。諸葛孔明黜之。孔明卒。成垂涕。案此用三國志李嚴傳事。然嚴改名平。不聞又名成也。且垂泣而嘆。亦廖立。非李平事。此誤。

卷三

詩國風鄘風十篇。刊本風下衍七字。今刪。

齊風凡十一篇。刊本脫一字。今增。

魏風凡七篇。刊本七訛六。今改。

邶風柏舟序辨。所謂我觀四方。蹙蹙靡所騁。刊本我訛鑿。今改。

卷五

周頌臣工。奄觀銍艾。刊本觀訛厥。今改。

七經孟子考文補遺 日本山井鼎 物觀撰

卷十一

古文考禹貢棊。原本棊訛墊。據陸德明經典釋文改。

卷十四

舜典疏。愆下有伏字。原本愆訛衍。今改。

卷十五

大禹謨補遺釋文七志七錄爲十卷原本七並訛士據陸德明經典釋文改。

卷十六

益稷案語各自互見下有之也二字原本脫二字兩字今增。

卷十八

甘誓疏一出十句原本句訛句據書經注疏改。

卷二十一

說命上疏遂令傅險姓之原本險訛儉據史記改。

卷三十三

終風釋文又作逌原本逌訛嚏據釋文改。

卷三十五

東門之墀補遺釋文蒐所留反原本留訛立據經典釋文改。

卷三十六

敝笱釋文鱣象呂反原本鱣訛鱗今改。

卷四十一

天保註諸盤原本盤訛墊案諸盤太王父名今案詩傳改。

卷五十一

有瞽案語其作絃統者皆誤原本絃訛絃據注疏改。

卷七十六

宣公十五年案語蠍作蠃又蠃音嵩原本蠃並訛蚣據爾雅改。

卷九十四

昭公四年案語沍寒戶故反原本沍訛涸據左傳改。

卷一百十四

貧者不以貨財爲禮注一坐再至原本一訛士據注疏改。

卷一百二十八

孟秋行冬令疏營室主武事原本主訛至據禮記注疏改。

卷一百三十四

故天乘陽注章作獐原本獐訛樟據禮運注疏改。

卷一百四十二

大夫拜賜注親來賀已原本脫賀字據玉藻注疏增。

卷一百四十五

齊衰三月與大功注有可同也。原本同訛得。據注疏改。

卷一百四十七

贊幣自左。詔辭自右。原本自並訛由。據禮記改。

卷一百四十八

良冶之子。釋文幹。舌旦反。原本幹訛軫。旦訛且。並據經典釋文改。

卷一百五十六

君之喪未小斂。疏當斂時不出。原本衍一當字。據禮記注疏刪。

卷一百六十六

子言之仁至終身之仁也。補遺。釋文川作丹。原本丹訛册。據經典釋文改。

卷一百八十七

梁惠王章句上注。時天下有七王。皆僭號者也。原本脫此句。據注疏增。

九經古義 長洲惠棟撰

卷一



坤初六象履霜堅冰條。案文冰當作夂。原本夂訛欠。據說文改。  
需象曰。君子以飲食宴樂條。鄭氏注云。恣滋味爲溥。溥之言欲也。原本欲訛飲。據禮記鄭注改。  
咸上六象條。咸道極薄。徒送口舌言語相感而已。原本脫舌字。據易疏增。  
明夷六二條。漢孔龔碑。原本漢孔二字互倒。據隸釋及金石錄改。

卷二

鼎上九條。廟門容大甗七個。原本廟訛廣。甗訛鼎。據周禮改。  
聖人以此洗心條。注黃帝曰。先神先鬼。先稽我知。原本神訛知。據尉繚子改。  
雜卦云。謙輕而豫怠也條。虞翻作怡。原本怡訛貽。據釋文及李氏集解改。

卷三

和夷底績條。陳宋之俗言。桓聲如和。原本宋訛留。據漢書酷吏傳注改。

卷五

肅肅兔置條。馗中九交之道也。原本中下衍設字。據文選注改。

不可讀也條。注。盪古拙字。原本脫字。據呂氏春秋注補。

干旄詩。素絲祝之條。祝當爲注。讀如注病之注。謂附著藥。原本謂訛讀。據周禮注改。

鄭風清人條。後漢崔駰撰。張平子碑記用逍遙字。案後漢書張衡傳贊及集古金石錄等書。平子碑係駰

子瑗撰。瑗碑文見古文苑。無逍遙字。惟隸釋載夏侯湛平子碑文有逍遙故墟句。此承水經注之誤。以夏侯湛爲崔瑗。而又誤瑗爲嗣。殊失考。

爲龍爲光條。公賦蓼蕭。案左傳無公字。

卷六

小宛詩條。中山經曰。精用稌。原本中訛東。稌下衍米字。據山海經改刪。  
巧言條。司馬相如封禪文云。上咸五。下登三。案此二句出難蜀父老文。誤引。  
桑扈條。兕觥其斛。从角斗聲。原本脫聲字。據說文增。

周原膺膺條。武乙元年。邠遷於岐。原本乙訛丁。據竹書紀年改。

度其鮮原條。帝辛五十二年秋。周師次於鮮原。原本五十二訛十五。據竹書紀年改。  
酌告成大武也條。注禮樂志獲赤鴈歌云。勺椒漿。靈已醉。案此二句係赤蛟歌。誤引。

卷七

令去樂條。陳遵傳。皆藏去以爲榮。原本去訛云。榮訛勞。據漢書改。

卷八

凡民同貨財者條。旁光侯殷坐取息過律免。原本殷下衍元字。據漢書刪。

卷十一

細人之愛人也條。呂覽先識篇云。周武王告諸侯曰。商王大亂沈於酒德。原本先識訛觀世。據呂氏春秋改。

卷十二

六服皆袍制不禪條。曲裾後垂交輸。原本裾訛裙。據漢書改。

中庸壹戎衣條。呂覽慎大篇云。原本慎大訛權勳。據呂氏春秋改。

射義條。注。元光五年。徵吏民有明當世之務。習先生之術者。原本五訛四。世訛時。者訛署。並據漢書改。

卷十四

使耕者東畝條。周禮大司馬法曰。犯令陵政則杜之。原本大訛及。案舊唐書經籍志。司馬法係田穰苴撰。

此係周禮經文。今改。

卷十五

周有千八百諸侯條。案百。范注穀梁作國。與此異。

天子之桷條。士斲本。原本斲作首。蓋從尙書大傳及何休公羊注。但此引穀梁。宜據本文作斲。今改。

卷十六

君子之道焉可誣也條。懽同也。兼也。原本兼訛策。據漢書薛宣傳注改。

經稗 兗州府知府鄭方坤撰

卷五

綠竹條。王芻。今呼鷓鴣脚莎。原本鷓作白。蓋據詩釋文而誤。今據爾雅注疏改。

卷六

伐太原戎條。後漢西羌傳。原本脫羌字。據後漢書增。

卷八

春秋書名條。內史讀四方之事書。原本事書二字互倒。據周禮改。  
因生賜姓條。公子目夷其孫曰魚府魚石。原本府訛莒。據左傳改。

卷九

廢業條。始安王子真。原本真訛克。據南史改。

卷十

麥秋條。黃朝英引北史蘇綽傳。麥秋在野之語。原本脫綽字。據北史補。

卷十一

五十學易條。五十究易。作十翼。原本脫易字。據易鑿度補。

羣經補義 婺源江永撰

卷一

涇屬渭汭條。雍州其川涇汭。原本川訛州。據周禮改。

卷二

說者謂古者寓兵於農條。五人爲伍。積而至於一鄉。原本而訛面。今改。

卷五

弟子職條。此謂先生與賓客同飯。原本同訛回。今改。  
萊田有休一歲條。其土不美。原本土訛牛。今改。

九經辨字瀆蒙 歸安沈丙震撰

卷一

經典重文綽綽條。綽綽有裕。原本裕訛餘。據毛詩改。

卷二

經無重文彗條。國中以策彗卹勿。原本脫勿字。據曲禮增。

鞮條今銅鞮之宮數里。原本鞮訛鞮。據左傳改。

卷三

經典傳譌鮮條。鮮當爲獻。聲之誤也。原本獻訛厭。據月令注改。

卷四

經典傳異三十條。于三十里。原本于訛以。據毛詩改。  
序條。乃分樂而序之。原本分訛公。據周禮改。

卷七

先儒異讀禮條。以行其典禮。原本脫行字。據周易增。

卷八

洱條。以秬鬯泔。原本秬訛桓。據周禮改。

煖注。董氏原本董訛葉。據周禮改。

卷九

酒條。受一爵而色酒如也。原本也訛之。據禮記改。

城條。城上之人亦譟。原本脫城上之人四字。據左傳增。

卷十



同音異義。又條。才過千人爲俊。原本過訛遇。今改。  
覺條。以覺報晏。原本訛作陳之藝極。據左傳改。  
僕條。言夫人稽留不肯疾順。原本稽訛積。據公羊注改。

卷十一

異音異義。懿。原本訛紹。據注改。

卷十二

注解傳述人。向又以中古文易經校施孟梁丘三家之易經。或脫去悔亡無咎。原本脫訛號。據漢書改。

程氏經說。不著編輯人名氏

卷三

谷風篇。笱。所以捕魚。刊本捕訛在。據注疏改。

卷五

五月公及諸侯盟于臯。臯。刊本臯訛臯。據春秋改。

古微書明孫穀撰

卷一

日有九光條。至於桑野。是謂晏食。刊本野訛謂。據淮南子改。

卷四

契後十三世生主癸條。易之帝乙爲成湯。刊本易訛湯。據周易改。

卷七

陰陽聚而爲雲條。陽之專氣爲電。刊本電訛電。據上下文改。

卷九

太微宮有五帝星座條。麒麟至。刊本至訛玉。今改。

卷十一

故麻可以爲衣。注麻生成形。一變也。刊本一訛之。據下文改。

孟子注疏 宋孫奭撰

題辭解

衛靈公問陳於孔子。孔子答以俎豆。疏。棋之言枳棋也。刊本枳訛根。據明堂位鄭注改。

卷二十

勾踐事吳。注。身自臣事吳王。夫差。又注。下疏。退會稽而身自臣事吳王。刊本臣並訛官。今改。  
耕者九一。注。於是厚賦稅以實鹿臺之財。盈鉅橋之粟。刊本鉅訛距。今改。

卷二下

必使玉人雕琢之。注。雕琢其章。案雕。詩經作追。  
爲巨室。注。埴埴之工。二。刊本二訛五。據考工記改。

卷三上

由湯至於武丁。注。丁遷于囂。刊本囂作囂。據史記改。

卷四上

不勞而王。疏。自七十里而有天下。刊本有訛爲。今改。

卷五上

出入相友。注。謂公卿大夫世世食采不絕者也。刊本采訛至。據周禮改。

卷五下

陶冶亦以其械器易粟者。刊本脫其字。今增。

匡之直之。疏。爲之匡。故曰匡之。刊本二匡字。沿宋諱並作正。今改。

卷七下

事在易而求之難。案之朱子章句作諸。  
政不足與間也。案朱子章句無與字。

卷八上

若合符節。注畫函。刊本畫訛或曰二字。據周禮改。  
日亦不足矣。注則日力不足以濟之也。刊本濟訛足。今改。

卷九上

欲常常而見之。注自常常以下。刊本自訛此。今改。

卷十上

受地視侯。注唯天子畿內不增。刊本增訛用。今改。

君十卿祿。注立小國百二十有二小卿也。刊本上二字訛三。小訛少。據王制注改。

卷十一下

牛山之木嘗美矣。注牛山木嘗盛美。刊本木訛未。今改。  
令聞廣譽施於身。疏故云令聞廣譽。刊本廣訛令。今改。

卷十二上

是故無賢者也。疏滄于髡所以又言如此者。刊本如訛之。今改。

卷十三上

善政得民財。疏以平地山澤生黍稷秬稻。刊本秬訛禾。據周禮改。

卷十四下

是皆穿窬之類也。刊本窬訛踰。據上文及朱子章句改。

萬子曰。一鄉皆稱原人焉。案萬子。朱子章句作萬章。與此異。

論語全解 宋陳祥道撰

卷一

為政以德。解。德者政之始。原本始訛如。據家語改。

或謂孔子曰。解。蓋愛敬立。則雖不為政而與孝同。原本不訛有。今改。

卷二

王孫賈問曰。解。朱博附丁傳。原本丁訛下。據漢書改。

能以禮讓為國乎。解。君子尚能而讓其下。小人農力以事其上。原本農力二字互倒。據左傳改。

事父母幾諫。解。微諫不倦。原本脫不倦二字。據禮記增。

卷三

子曰已矣乎解昔申徒嘉有曰原本徒訛屠據莊子改

子謂仲弓曰解陽祀用騂牲毛之原本毛之下衍陽字又陰祀用黝牲毛之原本毛之下衍陰字並據周

禮刪

非不悅子之道解丘陵學山而不至於山原本脫不字據法言增

卷四

子食於有喪者之側解邦之大裁歌哭而請原本裁訛者據周禮改

卷五

君召使擯解周官掌訝詔其位入復原本訝訛謝據周禮改

羔裘玄冠不以弔解子游楊裘而弔原本楊訛羊據禮記改

不時不食解召信臣曰不時之食有傷於人不宜以奉供養原本宜訛一旦據漢書改

色斯舉矣解木豈能擇鳥原本脫豈字據左傳增

卷六

回也其庶乎解定公執玉卑原本定訛隱據左傳改

哀公問於有若曰解君子度於此而禮以其薄則丘亦足矣原本丘訛兵據左傳改

齊景公問政於孔子解漢三老茂曰父不父則子不子原本茂訛蔑據漢書改

卷七

子適衛解。小司徒帥以教法之象。州長歲屬民而讀法者三。原本帥訛師。法訛化。州訛則。又黨正歲屬民而讀法者七。族師歲屬民而讀法者十四。原本七訛四。十四訛七。又自敬敏以上無不書之。原本敬訛飲。並據周禮改。

葉公問政。解。荆之地廣而都狹。原本荆訛川。地廣二字互倒。據家語改。

君子泰而不驕。解。字泰定者發乎天光。原本光訛地。據莊子改。

或問子產。解。其與殺子孔之專。則因子展而已。原本之訛子。據左傳改。

晉文公誦而不正。解。內行則般樂奢汰。外事則詐邾襲莒。原本奢汰訛晉沃。詐邾訛襲莒。並據荀子改。

管仲非仁者與。解。見小節者不能成榮名。原本榮訛策。據史記改。

蘧伯玉使人於孔子。解。公叔文子欲葬於蘧瑗。原本葬訛奔。據禮記改。

卷八

直哉史魚。解。正曲爲直。原本直訛貞。據左傳改。

躬自厚而薄責於人。解。鄉飲酒之酬賓。主人卒解而賓不舉。原本酬訛謂。解訛詔。並據儀禮改。

道不同。解。此傳所謂薰蕕不同器而藏。原本藏訛蔽。據家語改。

天下有道。解。諸侯始於漢梁之會。原本浪訛渙。據春秋改。

邦君之妻解。蓋夫人之禮。於大饗則廢。於聘問不廢也。原本聘訛畢。今改。

卷九

唯上智與下愚不移。解。上主不可引而下。原本上訛主可引之而下。據賈誼集改。  
楚狂接輿解。不知孔子所謂隱者不易乎世也。原本易乎訛屑于。據周易改。

卷十

謹權量。解。合方氏於度量則一之。原本合方訛方言。據周禮改。

論語解 宋張栻撰

卷四

志於道。解。涵泳於道。刊本涵訛游。今改。

卷六

魯人爲長府。解。無故而改爲得毋。示人以崇利聚斂之意乎。刊本故訛過。今改。

論語集說 宋蔡節撰

卷三



哀公問弟子節。故學者約其情使合於中。刊本學訛覺。今改。

卷五

非帷裳節。言縫下畔之廣倍於要中之廣也。刊本要訛惡。今改。

四書纂疏 宋趙順孫撰

中庸

章句序。人心每聽命焉。注。則人心爲之節制。刊本之訛人。據語錄改。

卷三

費隱章。或問。則又析其所不知不能而兩之。刊本又訛人。據或問改。

論語

卷三

崔子弑齊君節。注。及憲問等章之所謂仁。刊本章訛志。據語錄改。

卷五

迅雷節。注。終日之雷。終夜之雨。刊本下之字訛大。據語錄改。

卷八

孔子曰求周任有言曰節相警者之相也注亦是贊相之義刊本贊訛警據語錄改。

孟子

卷三

以力服人者節注假而行之終非己有刊本有訛者據孟子答問改。

卷五

有爲神農之言者節注使真有神農黃帝之言傳於世刊本使訛便據孟子答問改。

卷六

子謂薛居州節注旁求廣取使忠賢之士畢集刊本取使二字互倒據孟子答問改。

卷十二

故天將降大任節注忽然一旦撞行將去刊本將訛取據語錄改。

卷十三

桎梏死者節却是正命刊本脫正字據語錄增。

卷十四

充實而有光輝節注故以德業至盛不可加言之刊本加訛知據孟子答問改。

論語通 元胡炳文撰

卷一

信近於義節注。今改本如此。正先儒之所未及。刊本及訛是。今改。

卷二

君子之於天下也章。吾誰適從注。僖公五年。刊本五訛二。又狐裘尨茸。刊本尨訛蒙。並據左傳改。

卷五

唐棣之華章。或問翩何姍姍其來遲。刊本翩訛偏。又復衍遲字。並據漢書改刪。  
君在節。齊民觀諸上下之間。刊本觀訛見。問訛問。今並改。  
色斯舉矣節。真氏覽德輝而下之。刊本輝訛澤。據漢書改。

卷六

如用之節。蓋欲損過以就中也。語錄。問郁郁乎文。刊本問訛門。今改。

卷七

樊遲請學稼節。馮氏聖賢之能多。農馬之智專故也。刊本賢訛人。馬訛焉。據昌黎集改。

卷九

楚狂接輿節。馮氏陸士名通。刊本陸訛六。據高士傳改。

孟子通 元胡炳文撰

卷二

王曰善哉言乎節。音義。餓。音侯。橐。音拓。戢。詩作輯。音集。刊本脫此十二字。據朱子集注增。  
寡人好色節。輔氏。蓋不直禁其好貨好色。刊本貨訛勇。今改。

卷五

當堯之時天下猶未平節。蔡氏書傳曰。刊本書曰二字互訛。今改。

卷六

孔子懼節。惇典庸禮。刊本惇訛厚。據胡氏春秋序改。

卷八

施施從外來。音義。施音迤。又音異。刊本異訛易。據集注改。

卷十四

樂正子二之中節。充之至於神。則不可得而名矣。刊本脫不字。據集注增。  
由湯至於文王節。注。而後建中於民。刊本建訛見。據尙書改。

四書通證 元張存中撰

論語卷上

食不厭精章辭色慷慨未嘗易容刊本易容二字互倒據漢書改。

論語卷下

子適衛章文治焯然勃興刊本脫然字據唐書儒學傳改。

四書纂箋 元詹道傳撰

大學

卷一

楚書曰節何寶焉刊本寶下衍之字據國語刪。

中庸

卷一

道也者節若其可離則爲外物而非道矣案則爲外物句真西山集編及趙順孫纂疏俱同今中庸章句作則豈率性之謂哉蓋係朱子晚年改本謹誌。

論語

卷二

或曰管仲儉乎節。驅民而歸之。是亦可奪也。刊本脫驅字。據說苑增。

卷三

子謂子產節。大事于太廟。刊本脫大字。據左傳增。

卷五

子畏於匡節。顏刻爲僕。刊本僕訛匡。據史記改。

卷六

孔子對曰君君臣臣節。公子駒。刊本駒訛鉤。據左傳改。

卷七

既富矣節。以見禮遇大尊顯故也。刊本脫以見禮三字。據續漢書禮儀志增。

卷九

君子尚勇乎節。以義爲尚。則爲其勇也大矣。案趙順孫纂疏及今論語集傳俱無下爲字。此與真西山集

編同。

孟子

卷四

孟子之平陸節。車戟常崇於父四尺。刊本戟訛戰。據周禮改。

卷七

暴其民甚節。汲冢周書謚法解。刊本汲冢訛史記。今改。

卷八

地之相去也節。守邦國者用玉節。刊本脫國字。據周禮增。

卷十二

魯繆公之時節。公儀休。魯博士。刊本休訛伯。魯訛尊。據史記及孔疏改。

四書因問 明李棣撰

卷一

象先問治國在齊家條。故害未至而豫爲之防。刊本脫爲字。今增。

光祖問大道何在條。大道雖所包者廣。不外於絜矩。刊本道訛學。今改。

陟問大舜之大孝條。以理言之則天之生物可知。刊本脫生字。今增。

卷三

象先問事君數條。勿欺而犯。似亦不以辱爲嫌。刊本脫以字。今增。  
大器問顏子三月不違仁條。理有時不能勝欲。刊本欲訛過。今改。  
楷問席不正條。如席南向北向。以西方爲上。刊本向俱訛面。據禮記改。

卷四

三才問。譖愬不行。何以見得是遠。刊本脫何以二字。今增。  
德問一言興邦條。大抵定公是輕易人。刊本定訛哀。今改。

卷五

冰問創業垂統條。但使子孫可繼耳。刊本子訛孟。今改。  
雲霄問君子之所養條。亦豈諂笑之徒哉。刊本諂訛謂。今改。

卷六

標問古者易子而教之條。古有胎教。刊本胎訛胎。今改。

日講四書解義

卷二

舜其大知也與。解義。虛心體訪。刊本訪訛防。今改。



卷五

知之者解義。未能實有諸己。道猶不與我浹。刊本與訛如。今改。

卷八

司馬牛問仁。解義。心之存與不存。可於其言見之。刊本與於二字互訛。今改。

卷十一

陽貨欲見孔子。解義。欲其來見己。刊本欲訛見。今改。

卷十六

陳臻問曰。前日於齊。解義。鎰二十四兩。刊本作鎰四十二兩。案趙氏章句於爲巨室章云。二十兩爲鎰。於

此章云。鎰二十四兩。前後不同。此書蓋引趙氏後說。今據改。

卷十九

聖人既竭目力焉。解義。於是以不忍人之政繼之。厚其生則爲之制田里。刊本政訛心。田字訛在繼字上。

今改。

孟子師說 徐姚黃宗義撰

卷上

浩然章邪辭邪僻之辭。如擗闔飛箛離遠於正道。刊本擗訛押。箛訛箛。據鬼谷子改。

卷下

周室班爵祿章。古者以周尺六尺爲步。刊本脫六尺二字。今增。

古樂經傳 國朝李光地撰

卷一

樂經辨證曰。非武音也。刊本音訛磬。據樂記改。

卷二

樂記昏姻冠笄。所以別男女也。刊本別訛節。今改。

卷三

附樂經大射儀注。是以西方鐘磬謂之頌。刊本西訛四。據儀禮改。

古樂書 仁和應撝謙撰

卷上

四牡五章。原本五訛四。今改。

卷下

編鐘圖解數目。願脰。原本脰訛豆。據周禮改。


朱子琴律說。大呂八寸三分七釐六毫。原本呂訛生。今改。

沈氏筆談。願召宣補學官。原本官訛宮。據後漢書改。

革音制度。而其中央廣尺也。原本尺訛又。又倍之爲二尺六寸三分。原本六訛四。並據周禮注改。

舞。李氏如熊經鶴舞。原本經訛涇。據莊子改。

先擊縛鐘條。賓牟賈曰。原本牟訛弁。據樂記改。



四庫全書考證卷十九

經部

爾雅注疏

埤雅

爾雅翼

駢雅

別雅

說文解字篆韻補

羣經音辨

復古編

漢隸字源

1777 20 11 11

第 一 章

第 一 節

第 二 節

第 三 節

第 四 節

第 五 節

第 六 節

第 七 節

第 八 節

第 九 節

第 十 節

第 十 一 節

爾雅注疏 晉郭璞注 唐陸德明音義 宋邢昺疏

卷一 釋詁

鮮省音義省先郢反刊本先訛光據釋文改 又令類疏令聞令望刊本聞訛問據毛詩改

暨強也音義其丈反刊本文訛文今改

卒泯音義或作粹刊本粹訛碎今改

卷二 釋言

亟屢疏大雅靈臺云匪亟其欲案匪亟其欲係文王有聲篇文此誤引

卷三 釋訓釋親

兆域也音義本又作挑刊本挑訛兆據釋文改

障眡也音義障知亮反刊本知訛如據釋文改

卷四 釋宮

軒瘍為微注瘍創也音義創初良反刊本良訛良今改

卷五釋天

春爲青陽。注氣青而溫陽。刊本青訛清。今改。

疾雷爲霆霓。疏鈴鈴所以挺出萬物也。刊本挺訛捷。據說文改。

祭天曰燔柴。疏禋之言煙。刊本煙訛禋。據周禮注改。

注旄首曰旄。疏夏翟羽色。刊本色訛名。據周禮注改。

卷六釋地

釋地。疏此篇釋地之所載。四方中國州府陵藪之異。刊本陵訛沒。據監本改。

東方之美者有醫無閭之珣玞琪焉。刊本玞訛玠。據釋文改。

郊外謂之牧。音義李本牧作田。字釋云田。敕也。刊本敕訛敕。今改。

卷七釋水

淮爲澣。音義澣呼五反。刊本呼訛字。據釋文改。

卷八釋草

蒿山蒜。音義蒜西亂反。刊本西訛而。據釋文改。

藟雀麥。音義藟子若反。刊本子訛子。據釋文改。

葵蘆蒹。音義蘆郭音力何反。刊本力訛方。據釋文改。



籊竹音義大竹也刊本大訛人今改

蘘赤苗音義詩作糜刊本糜訛糜今改

蘘靡蘘冬音義條谷山其草多芍藥蘘冬刊本多訛名據山海經改

薜牡贇音義贇子旦反刊本子訛了據釋文改

簡茶中音義簡字或作慈刊本慈訛慈據釋文改

卷九釋木

杭魚毒刊本杭訛杭據監本改

桃曰膽之音義膽丁敢反刊本丁訛下據釋文改

卷十釋魚

鱧音義重千斤刊本千訛十據字林改

蝮虺音義虫一名蝮刊本虫訛上據字林改 又舍人亦云蝮一名虺刊本亦訛一今改

卷十一釋獸釋畜

麋疏冬至解其角案冬至解角是麋非麋

御論此仍月令之訛

鼯鼠刊本鼯訛鼯據監本改

小領盜驪疏。北唐之君來獻驪馬。刊本獻訛見。據竹書紀年改。

埤雅 宋陸佃撰

卷一

音釋。鱣布活。刊本布訛市。今改。

卷二

音釋。蜉朴。刊本闕朴字。據葉茂叔本補。

卷三

音釋。褻似。又刊本似。又訛布刀。據說文改。

卷五

音釋。玃。刊本玃訛。今改。

卷十二

釋馬。坐視膝。立視足。刊本立足二字互訛。今改。

卷十三

釋木。橘條。東海之鮪。刊本鮪訛鮪。據呂氏春秋改。

爾雅翼 宋羅願撰

卷一

稷條。稷又名齋。刊本齋訛齋。據玉篇改。

麥條。古者朝事之籩有麩蕡。刊本籩訛豆。據周禮改。

稻條。肆師次宗伯。固以築鬻裸將爲職。刊本鬻訛鬻。據周禮改。

卷二

江離條。芎藭。昌蒲。刊本芎訛穹。據文選改。

蘼蕪條。綠葉兮素華。刊本華訛枝。據楚詞改。

卷六

芋條。廣志又言有君芋。案本草所引廣志。君下有子字。

音釋。蕘。刊本蕘訛亮。今改。

卷七

薯條。蓋龜人以春攻龜。刊本攻訛政。據周禮改。

荏條。下氣補血。刊本血訛益。今改。

卷八

瓜條。五月乃瓜。乃者急瓜之辭也。刊本急訛治。據夏小正傳改。  
菴條。今菴蔚也。刊本菴訛荒。據爾雅疏改。

卷十

橘條。后皇佳樹。刊本佳訛喜。據楚詞改。

卷十一

撥條。漢費長房教桓景令佳人各作絳囊。刊本桓訛亘。據荆楚歲時記改。

卷十三

雉條。雉雄雉鳴也。刊本雉訛雌。據說文改。

卷十四

倉庚條。或謂之黃栗留。刊本留訛流。據詩義疏改。

子舊條。我見常再拜。重是古帝魂。刊本常訛獨。魂訛魄。據杜工部集改。

卷十五

燕條。女修吞之。生大業。刊本業訛葉。據史記改。

卷十六

音釋。閔蒨也。刊本蒨訛舊。據爾雅注改。

卷十七

音釋。飲飛掌弋射。刊本飲訛似。據文選注改。

卷十八

麟條。叔孫氏之車子。刊本車訛小。據左傳改。

兕條。招魂稱君王親發兮憚青兕。刊本憚訛耽。據楚詞改。

卷十九

虎條。古者山國用虎節。刊本山訛出。據周禮改。

狼條。其子獬。刊本獬訛爾。據爾雅改。又口銜金鉤而入湯庭。刊本銜訛御。鉤訛釣。據唐類函改。

桃拔條。烏弋有桃拔。刊本烏訛馬。據漢書改。

卷二十二

音釋。羸與驟同。刊本驟訛螺。今改。

卷二十三

鼃條。塘漏若鼃穴。一撲之所能塞也。刊本撲訛撲。據淮南子改。

卷二十四

蠓條。虻蕭爾。刊本虻訛。據爾雅改。

蝻。蝻條。蝻蝻。刊本蝻訛。據爾雅改。

尺蠖條。合澹若背手文。刊本背手二字互倒。據周禮改。

卷二十六

音釋。挈音架。刊本架訛。據廣韻改。

卷二十九

鱣條。蛇鱣者。卿大夫之服象。刊本鱣訛。據漢書楊震傳改。

鰻條。鰻紛出。薺邪頭國。刊本紛訛。據說文改。

卷三十

蠹條。一名短狐。刊本狐訛。據唐類函改。

駢雅 明朱謀瑋撰

卷四

釋器。五御一鳴和鸞。原本五訛六。一下衍疏字。又脫和鸞二字。並據周禮註改刪增。

別雅 鳳陽府訓導吳玉搢撰

卷二

倉囊戕囊注。櫛卷倉囊。刊本櫛卷二字互倒。據莊子改。

卷三

胡輦瑚璉注。鄉師與其輦。刊本輦訛輦。據周禮改。

說文解字篆韻譜 南唐徐鉉撰

卷二

蕭部鰓注。鮓魚名。原本闕鮓魚名三字。據說文補。

麻部粗注。担悒取。原本挹訛悒。據說文改。

陽部彊注。藿禦涇菜。原本菜訛反。據說文改。

侯部諗注。刀劍緹。原本緹訛師。據說文改。

卷四

暮部鬪注。託奠酒爵。原本酒爵二字互倒。據說文改。

宥部彌注承呪反原本呪訛祝據集韻改。

卷五

沒部臥注阨石山戴土原本戴土訛載土據說文改。

羣經音辨 宋賈昌朝撰

卷一

行字部術行道也注審端經術原本脫審字據禮記增。

卷二

目字部盲引視也注豕盲視而交睫案盲禮記作望與此異。

卷四

水字部泥母高平亭也注方與縣東有泥母亭原本有訛者據杜注改。又淺送也注寅淺內日案淺今

本尚書作餞內作納。

復古編 宋張有撰



上聲。𦍋。注。時。踞也。刊本時訛。時。據說文改。  
續。注。橫。所以支器也。刊本支訛。几。據說文改。

卷四

去聲。營。注。箸。飯。欵也。刊本敲訛。歌。據集韻改。  
跟。注。跟。步行。躡。跋也。刊本躡訛。獵。據說文改。  
對。注。對。應。無。方。也。刊本應訛。膺。據說文改。

卷五

入聲。欒。注。古。作。不。刊本不訛。木。據說文改。

卷七

形聲相類。糲。糲。注。棠。棣也。刊本棣訛。隸。據爾雅改。  
駁。駁。注。馬。色。不。純。也。刊本色訛。角。據玉篇改。

卷八

形相類。擊。擊。注。擊。手。擊也。刊本擊並訛。擊。據說文改。  
𦍋。𦍋。注。从。二。少。中。収。刊本収訛。奴。據說文改。

卷九

聲相類。禍。注。禍。並惡驚詞。刊本禍訛。據說文改。

### 漢隸字源 宋婁機撰

#### 序

東京建武訖鴻都建安。案以漢太學石經稱鴻都石經。誤始於唐張懷瓘書斷。而宋黃伯思東觀餘論。晁公武石經考異等書因之。今參考後漢書靈帝紀。蔡邕傳。陽球傳。及洛陽伽藍記。水經穀水注。魏書。北史。江式傳。漢之待制鴻都與刻石太學。判然兩事。亦判然兩地。且蔡邕以勅鴻都學生被譴。尤不可以邕正字書丹之碑歸之鴻都。此序亦仍前人之誤。

#### 綱目

三體石經遺字爲蔡邕書。案魏齊王芳正始中立三字石經。上距漢獻帝初平三年蔡邕之歿。凡五十年。此以三體經書爲魏刻。是也。以魏刻石經爲蔡邕書。非也。婁氏兼用酈道元。蘇望二說。故有得有失。

#### 卷一

成陽靈臺碑跋。集古作堯母祠碑。案今本集古錄無祠字。又案廣川書跋作慶都碑。  
高朕脩周公禮殿記跋。上狹下廣。刊本訛作上下小。據金石錄及隸釋改。  
孔廟置卒史碑。案隸釋卒史上有百石二字。百石。卒史之官。見漢書儒林傳。及兒寬傳注。後漢書百官志。

注。又考水經注作百夫吏卒。三國志通典及闕里舊志俱作百戶吏卒。與碑文異。

韓勅造孔廟禮器碑跋。祖庭記有威帝中年韓勅脩孔子墓碑。當是此碑。案隸釋所載韓勅數碑。此碑載其脩造禮器後碑載其脩廟脩墓。祖庭記所云脩墓碑卽後碑也。婁氏謂卽此碑誤。又案繁陽令楊君碑陰亦有程勅刊本程訛柱。據隸釋繁陽令碑陰跋改。

史晨孔廟後碑。案牛運震金石經眼錄作孔宏碑。

西嶽華山廟碑。案唐徐浩古迹記云。蔡邕書。

西嶽華山亭碑。案隸釋不著撰碑人名。而古文苑以爲衛覬作。

樊毅復華下民租碑跋。集古錄目作脩西嶽廟復民賦碑。刊本脫賦字。碑訛頌。據集古錄增改。又案古文苑聞人牟準魏敬侯碑陰文。此碑又名增算狀。文爲衛覬作。

樊毅脩華嶽碑。案古文苑及集古錄第二跋。金石錄跋。嶽下俱有廟字。又案古文苑注。碑文爲蔡邕作。桐柏淮源廟碑。案歐陽趙洪三家不注撰碑人名。而古文苑以爲王延壽作。河南通志因之。又跋。延熹六年立。案六年隸釋作元年。此從集古錄。金石錄及古文苑諸書。

老子銘跋。于時陳相邊韶演而爲銘云云。案水經陰溝水注云。漢桓帝遣中官管霸祠老子。命陳相邊韶撰文。據此。則碑非蔡邕文可知。至杜詩所云。苦縣光和尙骨立。苦縣指此碑。元和指石經。非謂光和年立苦縣碑也。書苑金石錄。隸釋及杜田杜詩注。皆誤。

孫叔敖碑跋。固始令陂君架廟立碑。未畢。遷長掖太守。期思縣宰段光刻石。案長掖。卽張掖之異文。考古文苑載此碑文云。固始令段君爲架廟屋。立石銘碑。卽歲遷長掖太守。及期思縣宰。下文又云。段君諱光字叔賢。魏郡鄴人。宋章樵注云。一歲再遷。蓋假太守之名。以重縣宰之權。張掖未嘗之任。董道廣川書跋。洪适隸釋說亦同。據此。則立碑者卽段君。非陂君。段君爲固始令時。已銘碑。後遷期思宰。亦無未畢去縣事。此跋誤以碑上殘段字爲陂字。又以期思縣宰連下段君諱光讀。遂分立石刻石爲二人。殊爲舛誤。

仙人唐公房碑跋。在興元府太守郭芝脩廟爲此碑。案宋之興元府。在漢爲漢中郡。漢時無興元名也。此省漢中二字誤。又集古作公防。案博物志。廣川書跋亦作公防。後漢郡國志。又作公防。此與華陽國志。水經沔水注合。

三公山碑跋。在真定府元氏。刊本元訛石。據金石錄。隸釋。及文獻輿地考。宋史地理志改。司隸校尉楊君石門頌跋。褒城縣北五里磨崖。刊本城訛地。據宋史地理志改。

李翁西狹頌跋。數有顛覆賈隧之害。刊本有訛至。害訛患。據金石錄及隸釋改。又翁勅衡官有秩李瑾案碑云。勅衡官有秩李瑾掾仇審。會鞏跋此碑云。勅衡官掾仇審治東坂。有秩李瑾治西坂。又析里橋。郟閣頌碑云。衡官仇審字孔信。據此。則是跋誤省掾仇審三字。

李翁黽池五瑞碑跋。脩嶠嶽之道。刊本嶠訛嶠。據隸釋及本書下平聲五爻韻改。案公羊傳嶠之嶽巖。是

文王之所避風雨者也。文蓋用此。

李翕析里橋。鄱閣頌。案明馬理定此爲蔡邕書。又跋集古錄目作李會。案廣川書跋亦作李會。

周憬功勳銘跋。及得碑陰。方知名憬。案集古錄中有三跋。兩云名不可辨。一云名憬。考曾鞏金石錄跋尾。

及樂史寰宇記。俱云太守名昕。蔣之奇續武溪深詩碑自跋。又云名煜。並與此異。

周憬碑陰跋。縣昔號曲紅。曲紅山名也。刊本脫後曲紅二字。據水經。漆水注及金石錄增。

溧陽長潘乾校官碑跋。紹興十三年。案十三單。禧跋作十一。此從隸釋。

梁相孔耽神祠碑跋。孔君自作歸藏之地。案額題云孔君之神祠碑文。又云其內洞房。外則長廡。則孔君

自作神祠也。此跋云壽藏。仍隸釋之誤。

酸棗令劉熊碑跋。歐公不知在酸棗。以爲俞鄉侯季子碑。案集古錄跋云俞鄉侯者。不知爲誰。今考唐書

宰相世系表云。臨淮劉氏出自漢世祖光武皇帝子廣陵思王荆。荆子俞鄉侯平。平生彪。襲封。唐書表

卽出歐陽氏手。而此碑跋云不知俞鄉侯爲誰。似疎。又蔡邕書刊本缺邕字。據下王建詩補。

謁者景君墓表跋。東漢墓闕自路都尉始。刊本缺路字。據隸釋補。

景君碑陰。案以隸釋所載碑文考之。此當是鄭令景君碑陰。而金石錄以爲謁者碑陰。此仍其誤。

鄭令景君碑陰跋。元初四年立。刊本初訛和。據金石錄。金石略及隸釋改。

國三老袁良碑。案碑述袁氏之先有云。高祖破項。實從其策。集古錄云不知爲何人。今考史記高祖本紀

三年漢王從袁生計出軍宛葉間唐書宰相世系袁生玄孫幹八世孫良據此則良卽袁生之後歐陽氏熟於史記又與脩唐書而不知袁生爲何人似疎又跋水經誤以良爲梁案良梁二字古通用國策商子大梁造史記秦本記六國表商君傳白起傳俱作大良造史記梁孝王世家良山漢書作梁山星經史記天官書王良漢書作王梁皆可爲二字通用之證此以水經注爲誤失考

長史武斑碑跋集古錄作漢斑碑以不知其姓氏也與案集古錄已改作武斑碑後跋云得別本模搨粗明云武言諱斑

平都侯相蔣君碑跋永興元年立案隸釋於此碑但云蔣君卒後所立金石錄目錄則作元嘉二年三月考碑文云蔣君元嘉二年三月卒於官又云禮畢祥除追述遺訓據此則立碑當在永興二年六月以後此稱元年與趙稱元嘉二年俱誤

泰山都尉孔宙碑案金石略於此碑前後重見前訛都尉爲太守訛七年爲六年惟兗州二字不訛後則都尉七年四字不訛又不知其所在而云未詳又跋延熹七年立案七年集古錄金石錄並作四年此從隸釋又金石云孔北海父也案後漢書孔融傳父仇太山都尉今以臧洪符融鄭太董卓袁紹諸傳及三國志魏武帝紀董卓臧洪許靖諸傳考之名仇者字公緒陳留人獻帝時爲豫州刺史非孔融父也此碑作宙與韓勅碑陰及三國志崔琰得注合

荊州刺史度尙碑跋在徐州湖陵荒野案隸釋作陸考後漢之湖陸卽前漢之湖陵在趙宋爲魚臺縣

屬單州。不屬徐州。隸辨引此湖陵荒野上有隸釋云此碑在六字。此本服去。

沛國楊統碑跋。建寧元年立。案元年金石略作三年。此從隸釋。

衛尉衡方碑跋。建寧元年立。案元年金石錄目錄。金石略並作三年。此從隸釋。

淳于長夏承碑。案元王暉定此爲蔡邕事。又跋在洛州。案洛金石錄及隸釋並作雒。

郎中馬江碑。案郎中金石略作中郎。此從隸釋。

真令劉脩碑。案真集古錄。金石錄。金石略。隸釋。並作慎。此沿宋諱。

博陵太守孔彪碑跋。金石云。君諱彪。字元上。案碑文字元上三字完好。趙洪諸家知其諱彪者。以韓勅碑

陰。史晨後碑文孔彪元上爲據也。但彼二碑彪字作雫。此碑雫字亦隱隱可辨。故闕里舊志作孔震。亦

因雫字致誤。金石錄諸書題以孔彪微與碑文不合。

司隸校尉魯峻碑。案碑文載隸釋與水經濟水注。魯恭石壁畫象不同。金石錄合爲一碑。誤也。又跋在

濟州學。刊本濟訛齊。據金石略改。又案金石錄云。此碑爲人輦至任城縣學。隸釋亦云。在濟州任城

縣。文獻輿地考濟州鉅野不治任城。此跋云州學。亦誤。

玄儒婁先生碑跋。熹平三年立。刊本三訛二。據集古錄。金石錄。隸釋改。又云。南陽隆人。案隸釋載此碑

文隆下空一人。考兩漢志南陽郡屬縣無名隆者。集古錄此碑跋云。今光化軍乾德縣圖經載此碑文

又云。案圖求碑。壽有墓在穀城界中。隸釋亦云。此碑在光化。宋乾德穀城二縣。在兩漢爲陰縣地。疑婁

壽爲陰縣人。石碑縣字殘缺。諸家又訛陰爲隆耳。

繁陽令楊君碑跋。不知其名。案唐書宰相世系表云。楊震長子牧。牧二子統。統。據此。則集古錄載沛相楊君碑。卽楊統也。繁陽令楊君碑。卽楊馥也。唐書表出歐陽氏手。而集古錄不知楊牧二子之名。似疎。

太尉陳球碑。案金石略云。蔡邕文并書。

安平相孫根碑跋。唐韓蔡輩蓋得此。案隸釋原文作唐韓擇木。史惟則輩得此筆意。考竇泉述書賦及杜

甫李潮八分小篆歌。史惟則精籀篆。韓擇木蔡有鄰善八分。疑此跋所引係洪氏改本。

孫根碑陰跋。碑有中軍督。案碑文督下有郵字。此蓋仍隸釋之脫誤。

外黃令黃彪碑。案後漢書文苑傳云。彪遷內黃令。薦縣人申屠蟠等。考申屠蟠傳。蟠爲外黃人。非內黃人。此碑云彪爲外黃令。與蟠傳合。

太尉劉寬碑跋。桓麟撰。刊本桓沿宋諱作亘。今據藝文類聚及金石錄改。

劉寬後碑跋。門生殷苞作。刊本殷沿宋諱作商。今據碑文改。

梁相費汎碑跋。孝孫字元宰。刊本宰訛常。據費鳳碑文改。

高陽令楊著碑跋。案震碑次子讓。案唐書宰相世系表讓爲震第四子。與此異。

楊震碑陰跋。蓋後漢時人見於史傳無名兩字者。案二名之禁出於王莽。漢書匈奴傳及莽傳有明文。然

考後漢書劉盆子廣宗王萬歲自有傳。劉駟駘附其曾祖齊武王續傳。伏無忌附其高祖伏湛傳。蘇不



章字公先附其從祖蘇章傳馬日碑字翁叔見馬融傳注張孝仲范特祖許偉康司馬子威諸人見郭太傅丘季智名靈舉見郭太傅注孔長查季彥見其父孔僖傳王延壽字文考見其父王逸傳謝夷吾字堯卿見方術傳東郭延年字公游見方術傳注餘若樊志張冷壽光陳文矩劉長卿之倫指不勝屈武梁碑文云孝子仲章季章立孝孫子僑躬脩子道父祖墓碑子孫無稱字之理歐趙諸家於漢碑二名必云字而非名蓋未深考

荊州從事苑鎮碑跋金石不載案苑鎮碑金石錄卷十九有跋語金石錄目錄卷二云第二百十苑鎮碑此云不載誤

先生郭輔碑跋無年月案水經沔水注作無年號與此異又隸釋是趙說案隸釋此碑跋云今碑有兩昭字晉人所諱疑此是魏刻是不全以趙說爲是

雒陽令王稚子闕二跋後漢書循吏傳刊本脫後字今增

馮煥殘碑跋僅存永寧二年四數字餘皆磨滅案隸釋所載凡三十九字非僅永寧二年四數字也僅存上當脫碑末兩字餘皆磨滅當是下皆磨滅之訛

不其令董恢闕跋一云董恢琅邪人案後漢書循吏傳作董恢注引謝承後漢書又作董種見本書上聲董韻

廣漢綿竹令王君神道跋建寧元年立案隸釋載此碑止九字無年月金石錄謂建寧元年十月造者合

劉讓閣道題字爲一碑也。此跋既辨趙錄之非，而仍用趙錄年月，似疎。

石經尙書殘碑跋。北齊徙于鄴都。隋復載入長安。案魏書孝靜帝紀。北齊書文宣帝紀。周書宣帝紀。隋書劉焯傳。洛陽伽藍記。東魏武定四年。移洛陽漢魏石經於鄴。周大象元年。復徙洛陽。至隋開皇六年。乃自洛陽運至長安。此云自鄴載入長安者。承隋書經籍志之誤也。又案石經自洛陽徙鄴。乃高澄執政時事。隋志云神武亦誤。

費亭侯曹騰碑陰。案通典謂獻帝建安初。封曹操爲費亭侯。亭侯之制自此始。今考亭侯起於西漢。三國志蜀劉二牧傳注。漢魏春秋云。許負。漢高祖封爲鳴雌亭侯。先主傳云。中山靖王勝子貞。元狩六年。封涿縣陸城亭侯。後漢書紀傳中。如解瀆亭侯。褒亭侯之類。不可勝數。曹騰爲操之祖。此碑云騰封費亭侯。與後漢宦者傳。三國志魏武帝紀。水經陰溝水注文合。可以正通典始于曹操之說之訛。廣漢太守沈子琚。縣竹江堰碑。案琚。天下碑錄作璩。與此異。

鄭子真宅舍殘碑。刊本宅舍二字互倒。據隸釋改。

都鄉正衛殘碑。案都鄉卽今坊廂。孟郁脩堯廟碑云。成陽都鄉高相里。宋宗愨母墓誌云。涅陽縣都鄉安衆里。秣陵縣都鄉石泉里是也。漢志有都鄉侯。見後漢書梁統皇甫嵩孫程單召呂強張讓等傳。及三國志吳孫賁傳。其都鄉正見此碑。及水經泚水澗水二篇注。歐陽氏於宗愨母誌。不知都鄉之制。洪氏於此碑又不悟衛彈當作街彈。而強解正衛二字之義。因具釋之。又跋隸釋作衛彈。以金石作街彈。

爲誤。案周禮地官里宰以歲時合耦于耒。鄭注。耒者里宰治處也。若今街彈之室。賈疏。漢時在街置室。檢彈一里之民。此碑文云。優恤民隱。爲之立約。劉熊碑亦云。愍念烝民。爲作正彈。並與周禮里宰文義相近。金石錄不知援引注疏。固疏。隸釋乃據誤本水經注改街爲衛。更誤。

武梁祠堂畫象。案金石錄但稱武氏。此題武梁者。從隸釋也。考武梁碑立於桓帝元嘉元年。在明帝後。而畫像題魯莊公。不避明帝之諱。又有李善像。以後漢書獨行傳考之。善爲東漢初人。則此祠乃武梁先世。非武梁也。

四老神位神祚机。案文章緣起有漢惠帝四皓碑。高士傳亦云。高車山上有四皓碑。及祠。漢惠帝所立。據此則碑立於西漢初。與趙洪諸家說異。又跋驗其字畫。蓋東漢時書。刊本脫驗其二字。據金石錄增。

南陽太守秦頡碑跋。中平三年立。案天下碑錄。金石略作熹平五年。此從隸釋。又猶有九十餘字。刊本。

### 九訛八據隸釋改

司空宗俱碑跋。列傳轉寫爲宋。誤也。案後漢書均本傳及明帝紀循吏傳。並訛作宋均。賴有南蠻傳存其原文。宗資之非宋資。有皇甫規傳。范滂傳。趙彥傳可證。宗俱之非宋俱。有靈帝紀可證。通鑑於宗均宗意。宗資宗俱四人。宗宋二姓錯見。獨通鑑目錄不訛。又徧考各史。如後漢之宗慈。蜀之宗預。宋之宗愨。宗越。宗炳。宗彧之。南齊之宗測。宗元卿。梁之宗夫。周之宗懷。唐之宗楚客。本傳俱云南陽人。參考姓苑。元和姓纂。唐書宰相世系表。廣韻。通志氏族略。姓氏急就篇。皆同。別有兩宋均。一字文平。新城人。晉使。

持節征南將軍。新城。西。山東有均碑。太始三年十二月立。見水經伊水注。晉書文帝紀。一爲鄭康成弟子。濟南人。魏博士。後爲河內太守。注識緯序。詩譜。撰帝譜。世本。見晉書徐苗傳。隋唐經籍志。唐會要。册府元龜。玉海。其宋意。則荆卿高漸離之友。見淮南子。秦族訓。宋玉笛賦。水經易水注。陶潛詠荆軻詩。後漢宗均傳之。轉宗爲宋。蓋因此而誤也。但袁宏後漢紀。水經淮水注。魏書高祐傳。皆作宋均。而唐張說撰宋璟遺愛頌。直以均爲璟之遠祖。則宗之訛宋。其來已久。趙洪諸家援引疎略。因詳識於此。

太丘長陳實壇碑跋。非蔡邕書。案金石錄作非蔡邕撰。

魏大饗碑跋。魏文帝以延康元年幸譙。案延康爲漢獻帝年號。隸釋誤爲魏文帝年號。而議其自用正朔。不考後漢書獻帝紀。三國志魏文帝紀之故也。又碑字有不明者。刊本脫字。據隸釋增。

魏公卿上尊號奏跋。延康元年立。案延康集古錄作黃初。考碑文及三國志魏文帝紀。當是奏在延康而黃初刻石。又今人爲鍾繇書。案古文苑載聞人牟準魏敬侯碑陰文曰。魏羣臣上尊號奏鍾元常書。據此。則衛覬作文而鍾繇書之。唐人傳爲梁鵠者。誤。

魏受禪表跋。世傳爲梁鵠書云云。案聞人牟準魏敬侯碑陰文云。魏受禪石表文。覬八分書也。據此。則衛覬作文而自書之。集古錄所舉二說及劉氏嘉話。並誤。

魏修孔子廟碑跋。黃初元年立。案三國志魏文帝紀在二年。與此異。

范式碑跋。漢獨行傳。案當作後漢書獨行傳。此訛脫後書二字。又唐李嗣真作書後品云。刊本脫後字。

據隸釋及唐書宋史藝文志增。

張平子碑跋。水經云。是崔瑗之辭。案金石錄目錄載張平子碑有四。一爲崔瑗撰。其文載古文苑。有云。數術窮天地。制作侔造化。與後漢書張衡傳贊所引崔瑗語合。歐陽氏所云真子玉所作是也。一爲夏侯湛撰。其文載隸釋。有云。金匱玉版之奧。讖契圖緯之文。罔不該羅其情。趙氏所云湛不知平子因力闢讖緯之人是也。字源載此碑係湛作。與瑗無涉。乃合而爲一誤。

郎中王政碑。案郎中金石略作中郎。此從金石錄及隸續。

平輿令薛君碑跋。延熹六年立。案六年金石略作五年。此從金石錄。

司徒掾梁休碑跋。建安二十七年立。案後漢書獻帝紀。三國志魏文帝紀。建安二十五年三月。改元建康。此云建安二十七年黃龍甘露。第二碑云。建安二十六年。蓋吳蜀之辭。

防東尉司馬季德碑跋。故山陽府卒。吏刊本脫府字。據隸續增。

中山相薛君成平侯劉君斷碑跋。古無兩人共立一碑者。惟此爾。案隸續所載此碑。蓋紀述薛劉二君平寇之功。與廣漢屬國辛未造橋碑相類。趙氏疑爲墓刻。而云古無兩人共立一碑者。誤也。又成平侯劉君卽漢之王子侯。趙以爲成平侯相。亦與碑額不合。

新莽侯鉦跋。地皇二年作。案鉦銘本云。新始建國。地皇上戊二年。與宋韓縝家銅斗銘。新始建國。天鳳上戊六年相類。天鳳地皇仍繫以始建國者。猶王莽傳所云。一郡至五易名而還復其故。吏民不能紀。每

下詔書輒繫其故名也。此刪去始建國三字誤。

司農劉夫人碑跋。漢太尉許彧之室也。案彧後漢書靈帝紀劉陶傳作馘。宋吳處厚青箱雜記又作馘。均與此異。又隸續載復齋刊本續訛釋今改。

漢平陽府君叔神道跋。隸續止載平陽府君叔神六字。刊本續訛釋今改。

祝長嚴訃碑。案隸續云。祝下蓋闕其字。又跋和平元年立。案金石略作元嘉元年。此從金石錄。

魏三體石經左傳遺字跋。魏正始中刻碑。案以三體爲魏石經。說本衛恆。酈道元。杜甫。張舜民。邵伯溫。黃

伯思。趙明誠。洪适諸人。允稱定論。下所引蘇望語。指三體者爲漢石經。則范曄。江式。楊銜之。竇蒙之誤

說也。婁氏未能駁止。又凡八百一十九。案歐陽棐集古錄目作八百二十九字。與此異。又范史紀

曰五經。蔡邕。張馴傳則曰六經。案後漢書盧植傳。宦者呂強傳。儒林傳序。羊欣筆法。酈道元水經穀水

注。並作五經。與靈帝紀合。隋書經籍志則云後漢鐫刻七經。與此又異。

魏大饗記殘碑跋。隸續云。饗借作嚮。案碑文云。文王大饗之。隸續云。書饗作嚮。或是假借。本書上聲養韻

云。大嚮記殘碑。或是假借作饗。此跋語意不明。因附錄於此。

司空孔扶碑。案金石略。天下碑錄作司農孔峽。與此異。

魯峻斷碑陰。案魯峻碑陰今存。其碑式與隸釋所載全異。蓋洪氏以他碑爲峻碑也。此仍其誤。

王稚子二闕畫像跋。卒於元興元年。刊本元年二字互倒。據後漢書和帝紀及循吏傳改。

沛相范皮闕。案圖經作沛相范伯皮闕。輿地碑目作沛國范伯友墓石闕。並與此異。  
成臯令任伯嗣碑跋。熹平七年立。案金石錄。金石略並作延熹五年。與此異。

馮君開道碑。案開道。隸辨作開道。與此異。

文範先生陳仲弓殘碑跋。碑之立當在中平三年。案後漢書陳寔傳。寔卒於中平四年。與碑異。

公乘校官掾王幽題名跋。永熹元年立。古無此年號。案洪适疑碑文永熹爲少帝光熹之誤。史慶長又疑

爲冲帝永嘉之誤。今考後漢書左雄傳有牧守畏慄莫敢輕舉。迄於永嘉。察選清平。多得其人之語。似

冲帝年號本是永嘉。而冲帝紀及五行志作永嘉。乃司馬彪范蔚宗之誤。又隸續云。刊本續訛釋。今

黃龍甘露碑跋。黃龍見武陽赤城。案赤城。三國志蜀先主傳作赤水。與此異。

改。

繁長張禪等題名。案輿地碑記目作浮蘭碑。

孟郁堯廟碑陰跋。此碑皆載仲氏父祖兄弟子孫所歷所終之官。刊本脫氏字。據隸辨增。

貞女羅鳳墓闕。刊本貞訛草。據隸續改。

韓氏石虎刻字。刊本刻种字。據隸續改。

尉府壺壁塼文。刊本壺訛靈。據金石錄及隸續改。

卷二 上平聲

一東梵注衛彈碑梵梵黍稷義作蓬案衛彈當依金石錄作街彈又案隸釋梵即梵字此釋作蓬亦誤

豐刊本豐訛豐今改

豐刊本豐訛豐今改

三鍾彊案羊竇道碑彊守成都彊即徒字此作從誤

四江僮刊本闕此字據魯峻石壁殘畫象小史騎持僮句補

五支亟注張休崖溪銘刊本崖訛涯據碑目改

隣注其祀隣廢案隣即隋字韻會墮亦作隋此釋作隨誤

麿案王純碑閱其粥麿凍餒之患麿即糜字本書脂韻釋作糜是也此釋作糜誤

畀案校官碑畀誅曰蓋即畀予之畀此釋作卑誤

六脂絛刊本訛絛案婁壽碑絛絛大布之衣蓋碑文變希爲帑也今據改

泥注以夫子爲仲泥狎悔之罪刊本悔訛悔據隸釋改

七之之刊本訛之據夏承碑東萊府君之孫改

偃案周憬功勳銘開切偃兮導曲机偃即億字本書上聲董韻釋作億是也此釋作偃誤

爾案北海相景君銘爾曰爾即亂字本書去聲換韻釋作亂是也此釋作辭誤

基注外黃令碑史字叔德東海況基人案況基二字出魯相謁孔廟殘碑此及入聲屋韻況字並標外黃



令碑誤。又案祝其之其。字書韻書並音基。此讀基爲其。亦誤。

八微飛注。義皆作非。刊本脫義字。今增。

帑。刊本訛作希。據繁陽令楊君碑陰功曹史魏希句改。

睇。案楊統碑睇嚴霜則畏辜戮。其字從目。此與日旁之睇合爲一字。誤。

順。案繁陽令楊君碑。順不審真。莫肯慰揚。依文義。順字當音懇。列上聲很韻。此讀如本字。編入微韻。誤。

九魚歌。案仲秋下旬碑有歌歌二字。卽嗚呼之異文。此以歌作歌。誤。

斜注。白虎辟邪主斜道。案邪碑文本作𠄎。𠄎卽𠄎。此作邢。誤。

十一模園注。蓬盛碑。制中園統。案園碑文作園。後漢書孔融傳注。園卽剗字。莊子齊物論釋文。園音剗。圓

也。當列歡韻。此作園。釋作模。承隸釋之誤。

十二齊頤注。樊敏碑頤。傑立。義作提綱。案碑文濯冕題。爲一句。傑立忠睿爲一句。此失其句讀。因釋

題作提。釋。卽作綱。誤。

稽。刊本訛稽。據史晨奏銘。觸期稽度句改。

十三佳沂注。孔彪碑永永無沂。義作涯。案漢書敘傳。張良受書於邳沂。注。沂音牛斤反。當列欣韻。此釋作

涯。編入佳韻。仍隸釋之誤。

十四皆禱。刊本訛禱。據桐柏碑改。

- 十五灰韻注。卽崔字。案嶷卽唾字。玉篇音朶。當列上聲果韻。此作崔。編入平聲灰韻。誤。
- 偃注。景君碑獻歛偃。偃義作俳。案偃卽低字。本書齊韻釋作低是也。此作俳。誤。
- 十六哈材注。材不及孫卿孟軻與纒同。案材碑文當卽材質之材。此釋作纒。誤。
- 十七眞辰刊本訛辰。據孔龢碑六月甲辰句改。
- 竇案。衡方碑經常伯之竇。竇卽寮字。此作竇。誤。
- 僮注。孫根碑無猾不僮。義作竇。案以說文及禮記文王世子釋文證之。僮卽攢字。此釋作竇。仍隸釋之誤。
- 柎案。張公神碑鄭柎伯林。柎卽彬字。本書下平聲侵韻釋作柎是也。此作彬。誤。
- 十八諄修注。自都昌台丘暹而下十九人。刊本脫台丘暹三字。據景北海碑陰增。
- 二十文办案。羊竇道碑治狀办明。办卽辨字。此作分。誤。
- 云注。張納碑汾云。義作紛紜。案文選長楊賦注。汾云。衆盛貌。與紛紜義微別。
- 二十一欣圻案。楊統碑德以化圻。孫根碑圻甫考績。圻卽畿字。當列微韻。此作圻。編入欣韻。誤。
- 二十三魂盜刊本訛溫。據魯峻碑內懷溫潤句改。
- 二十四痕恩刊本訛恩。據史晨奏銘臣蒙厚恩句改。
- 恩案。費鳳碑從善遷恩。恩卽惡字。此作恩。誤。
- 二十五寒翰刊本訛翰。據鄭列碑改。

雉案孔耽神祠碑。放龍羅之雉。雉卽雉字。此作難。誤。

二十六歡園。刊本訛園。據北海相景君銘四海園。蓋句改。

二十八山仙。注嚴訢碑。仙通比迹。義作山。案仙碑文當讀本字。此作山。誤。

卷三下平聲

一先宬案。孔宙碑於宬時雍。蓋卽尙書於變之異文。此作天。誤。

二僂瀟。注孔彪碑。無瀟無黨。蓋借用。案碑从彳作偏。與書經文無異。此从彳作偏。而云借用。誤。

舩案。魏大饗碑。舩鼎綠檀。與西京賦。烏獲扛鼎。都盧尋檀。文合。又參考說文。玉篇。文選注。則舩舩扛爲一字。此以舩爲船。誤。

三蕭鵬。注尉氏令鄭君碑。放鵬。與鵬同音。案碑文殘缺。放鵬上尙有虞字可辨。蓋用舜放驩兜事。韓愈遠遊聯句。開弓射鵬。王應麟謂是古文尙書驩兜字。又管子鵬然若藹之靜。亦卽驩字。惟因碑文丹旁作舟。隸釋遂讀鵬爲鵬。謂碑用趙簡子放鳩事。此仍其誤。

懸案。無極山碑殘句有此字。當卽堯字。說文。堯。高也。白虎通。堯。猶曉也。至高兒。是堯有堯字之義。不必改。堯作堯。此誤。

四宵譙。注楚師伐陳。刊本伐訛代。據左傳改。

僞案。馮煥詔僞輕狡獪。僞卽僞子。玉篇。僞。狡輕迫也。此作僞。誤。

鴉案北海相景君銘鴉梟不鳴鴉即鴟字此書作鴉因釋作鴉誤

橋案平都相蔣君碑光光播橋即矯字本書上聲小韻釋作矯是也此作橋誤

喬注司空高玄實太尉橋公蓋借用也案喬橋二字相通詩釋文喬木本亦作橋橋松本亦作喬非借用

也又案唐書宰相世系表通志氏族略並云後周文帝命橋字去木爲喬蓋亦因二字相通之故

七歌多案議郎元寶碑多疇宗親多即朋字本書登韻釋作朋是也此作多誤

九麻覈注即遐字案華山廟碑孔羨碑遐字亦作假本書入聲陌韻作格誤

賄注百十五刊本五訛六案此引臧伯著碑文于碑目爲百十五今據改

𠄎注李氏鏡銘白虎辟𠄎主除道義作𠄎案說文𠄎古文𠄎𠄎爲秋門碑云辟𠄎即辟門之義此以𠄎爲

𠄎仍隸續之誤

十陽沓注說文併船也刊本船訛舡據說文改

芒案西狹頰阨芒促迫芒即笮字與窄同本書入聲陌韻釋爲窄是也此作芒誤

芒案馬光碑故塋迫芒亦即窄字此作芒亦誤

場案繁陽令楊君碑爰集疆場場即易字此作場誤

梁注說文梁米名或从禾案說文未嘗合梁梁爲一字亦不云梁字或从禾此所引蓋誤

蓋姓也字却从米案范雲州名詩云逸豫誠何事稻梁復宜敦可爲梁梁二字通用之證

又今梁汜

曷注。義作疆。刊本疆訛曷。今改。

十一唐嗣注。樊敏碑題嗣傑立。義作綱。案碑文正用題剛二字。丁魴碑化洽剛柔。亦書嗣作剛。此以嗣爲

綱。與上平聲齊韻以題爲提同誤。

十四清晶。刊本訛晶。據北海相景君銘。晶白清方句改。

十五青寔。案嚴訶碑有寔寔二字。即寔字。此作寔誤。

十六蒸冰。案西狹頰。若涉淵冰。乃用周書大誥文。此以冰爲冰誤。

鷹注。郭仲奇碑。鷹俯電敷。義作膺。案碑文與張表碑。鷹振霆擊句相同。正作鷹字。此作膺誤。

十八尤擾注。石經論語擾而不輟。案隸釋載石經無而字。此仍東觀餘論。廣川書跋之誤。

隆注。孫叔敖碑。優隆樂業。即游字。案說文。隆喜也。爾雅。絲喜也。郭注禮記曰。詠斯猶。猶即絲也。又荀子。優

猶知足。漢書敘傳。陸子優絲。據此。則碑云優隆。即優猶優絲之異文。此以隆爲游。仍隸釋之誤。

疇注。帝疇官綏策。義作籌。案疇。隸釋作疇。與此異。

十九侯蚌注。東海廟碑。刊本脫東字。據碑目增。又今張君碑文。又借蚌字。案說文。孟古文作蚌。詩釋文。

孟本作蚌。孟蚌本一字。此云借用誤。

二十一侵岑。案景北海碑。陰酋岑字。漢與。岑即赤字。此作岑誤。

二十二覃覲注。即耽耽字。案周易釋文作耽。耽字从目。此與从耳之耽合爲一字誤。

二十三談僭注。俗用擔字。刊本擔訛檐。今改。

二十六嚴巖注。孫根碑。刊本根訛根。據碑目改。

二十九凡椀注。集韻云。木名。皮可為索。案碑以椀字與祖榦。籒禁並稱。自是禮器。非木名也。椀疑盃之異文。此引集韻釋之。仍隸釋之誤。

卷四 上聲

四紙紙注。其先季友。刊本友訛文。今改。

五旨羹案。靈臺碑陰主吏仲羹字。叔武羹。即莽字。有唐公房碑。王羹居攝二年文可證。本書蕩韻釋作羹。是也。此作美。誤。

比注。張休岷溪銘。刊本岷訛涯。據碑目改。

六止紉案。孫叔敖碑。去不善如絕紉。紉即弦字。此作紀。仍隸釋之誤。

八語柜。刊本闕此字。今補。

櫨注。袁良碑。或適齊櫨。義作楚。案碑文櫨即壘字。本書馬韻釋校官碑櫨字作壘。是也。此作楚。仍隸釋之誤。

櫨注。樊敏碑。或居于櫨。義作楚。案櫨楚非二字。此云櫨義作楚。誤。

九慶府注。蓬盛碑。府育孩嬰。義作俯。案碑文俯即俯循之俯。與撫同義。此作俯。誤。

十四賄罪。刊本訛罪。據孔歛碑改。

十六軫敵。案孔宙碑南敵孔。敵即敵字。有費鳳碑敵直一金文可證。此作敏。誤。

二十阮苑。注。王元寶碑苑陵。義作宛。案王元寶碑陰云。河南苑陵。考漢書地理志。河南郡有苑陵縣。後漢書郡國志作苑陵。其苑陵縣則屬丹陽郡。此云苑。義作宛。仍隸釋之誤。

二十一混緄。注。義皆同衰。刊本脫義字。今增。

平案張納功德叙平顯其光。本書上平聲脂韻釋爲不是也。此作本。誤。

平案劉熊碑相繼平顯。劉衡碑奕世平承。平平皆平字。此作本。誤。

二十二很。此字無隸文。蓋是書全依禮部韻略標韻之序。而此韻內無隸碑應載之字。故祇存其目。

二十三早侃。刊本訛侃。據衡方碑閭閭侃侃句改。

二十四緩滿。刊本小注一字闕。案堯廟碑有滿而不溢句。于碑目爲第一。今據補。

二十六產。注。省文爲剗。案文義蓋謂。爲剗之省文。隸釋所云。剗省其力也。但廣雅。戔。傷也。通志。六書

略。戔。擣傷也。則戔。剗本一字。

二十七銑。案唐扶頌。底究羣。稟。本書去聲號韻釋作奧是也。此作典。誤。

與刊本訛興字。據劉脩碑並與干城句改。

二十八獮。案脩華嶽碑辨于羣神。辨即尙書徧字。當列去聲線韻。此作辨。編入上聲獮韻。誤。

三十小僑。案馬煥詔僑輕狡獮。僑卽僣字。此作僣誤。與下平聲宵韻同。

三十一巧爪。刊本訛瓜。據鄭固碑出入爪牙句改。

三十六養雨。刊本訛克。據周憬功勳銘。乾此剖兮建雨儀句改。

卽注。史記殷本紀。刊本殷沿宋諱作帝。今改。

三十七蕩穎。案張表碑。穎渠未合。蓋借穎爲規。此作穎誤。

三十八梗熇。注熇煥彌光。義作炳。案熇卽熇字。與燕同。此作炳誤。

血。案史晨奏銘書著紀。蓋與公羊傳注血書飛爲赤鳥語相同。此作皿誤。

四十四有玃。案謁者景君墓表。殘句有玃枉二字。本書黝韻從隸釋。謂玃義作糾是也。此作玃誤。

厚。案袁良碑。字厚卿。厚卽厚字。此作阜誤。

四十五厚畝。案徐氏紀產碑。田一畝。卽町字。此作畝。仍隸釋之誤。

什。案巴官鐵盆銘。三百五十什。什卽斤字。此作斗誤。

四十七寢餽。刊本訛餽。據吳仲山碑。餽食空手句改。

五十五橐。注逢盛碑制中園橐。蓋模範字。案橐卽範字。園則作囷。讀刊。此作囷。讀模。誤與上平聲模韻同。

卷五 去聲

送解注。益州有檉棟縣。刊本棟訛煉。據說文改。



三用奉。注皆用亦作字。案徐鉉說文新脩字義云。俸本只作奉。後人加亻。此以俸爲奉之本字。誤。

六至佩。案費鳳碑殘句有佩字。與則德協韻。蓋卽宿離不貸之貸。義與忒同。此作貳。誤。

八未氣。刊本訛。據靈臺碑神靈精氣句改。

九御轅。刊本訛。據校官碑轅章南昌句改。

十遇柱。注。郿閣頌。饒源漂疾。橫柱於道。義作注。案柱挂二字通用。有集韻可證。此以柱爲注。仍隸釋之訛。

十一暮錮。注。鄭固碑。呂疾錮辭。義作固。案錮疾二字。漢書賈誼傳亦有之。此云義作固。仍集古錄之誤。

十二霽隸。案漢碑隸字皆从柔。無从隶者。此載王純碑隸字从隶。誤。

十三祭滿。注。陳球後碑。蓋周存六代。媯滿繼虞。建國于陳。卽滿字。案以左傳。史記考之。本書上聲。緩韻釋

滿爲滿是也。此作滿。誤。

衛。案李翊碑。衛侮鎮戎。衛卽禦字。本書上聲作禦是也。此作衛。誤。

十四泰沛。注。郿閣頌。波濤滂沛。義作霈。案廣雅滂滂沛沛流也。此云義作霈。誤。

十九代再。案仲秋下旬。碑嘉再卓然。再卽稱字。有玉篇可證。此作再。誤。

差。案景君碑。陰濟北。差平。差卽漢書地理志差字。此作在。誤。

二十五願券。案魏元丕碑。施舍弗券。券卽倦字。从力。不从刀。本書線韻釋作倦是也。此作券。誤。

二十八翰艱。案唐扶頌。黔首艱康。艱卽歎字。本書平聲歎韻釋作歎是也。此作歎。誤。

二十九煥喚注魯峻碑喚矣的的三字俱易火以日案山海經喚靈國在崑崙墟廣雅的明也注的音的

喚的二字俱有所出此云易火以日仍繇釋之誤

弄案綏民校尉熊君碑殘句有弄字依文義即美字此作弄誤

三十諫箇案戚伯著碑調箇沛土管即官字本書上平聲歡韻釋作官是也此作官誤

三十六效敷刊本訛敷據孔蘇碑政敷稽古句改

三十七號兢注獨柳子厚鏡歌屈疊猛云云案疊爾雅作暨唐人避太祖諱作暨或作暨音黃練

切與兢齷二字無涉

四十禡赦刊本訛赦據魏上尊號奏大赦天下句改

四十一漾核案周愷功勳銘核帥壯夫核即核字此作將誤

四十二宕臧注臧當作藏案藏字古作臧此以臧為誤字失考

四十九宥疚注四九刊本闕此二字據碑目第四十九袁良碑補

五十五豔定注隸釋云窆字刊本窆訛窆今改

檐注外黃令高君碑刊本脫令字據碑目增

卷六八 入聲

一屋沐案沐音述水名也楊震碑陰有魏郡沐季興以廣韻通志考之有沐姓無沐姓碑蓋借沐為沐

速。案楊統碑勳速韻矣。繁陽令楊君碑並上絕速。皆迹字。本書昔韻引楊統碑文從隸釋作迹是也。此作速。誤。

陸。案周憬功勳銘。臚陸不相知。又陸老唱兮臚人歌。即臚陸兩字。本書上平聲模韻釋臚字不誤。此以陸爲陸。誤。

況。注外黃令碑東海況基人。案況基二字出魯相孔廟殘碑。此云外黃令碑。誤與上平聲之韻同。

勛。注鄭固碑忠目自勛。義作愔。案勛即勛字。此作愔。誤。

三燭續。案度尙碑續莫匪嘉。續卽續字。此作續。誤。

五質來。注獨柴字鄙俗無它訓。案柴木見山海經。柴里見管子。柴十士見墨子。柴縣。柴渠。柴溪。見水經注。

此以爲鄙俗。非。

臠。注郭身碑洪纖臠舉。義作必。案古文尙書攸受休畢。畢作臠。說文一之日臠發。臠作畢。臠畢二字通用。

此以臠作必。仍隸釋之誤。

矣。刊本訛矣。據嚴訢碑發憤受矣改。

十月越。刊本訛越字。據孔羨碑遐夷越險阻而來賓句改。

十二曷剛。案吳仲山碑約身剛已。剛卽彫字。有玉篇集韻可證。此作割。誤。

十三末末。案李翊夫人碑三五末兮衰左姬。卽七字。此作末。仍隸釋之誤。

沫。刊本訛沫。據殺阮神祠碑揚波跳沫句改。

十八藥縛。刊本訛縛。今改。

的。注魯峻碑喚矣的的。三字俱易火以日。刊本脫火字。據去聲換韻注增。

杓。案楊君石門頌。奉魁承杓。杓字當依史記天官書。漢書天文志注音標。列平聲宵韻。此編入藥韻。誤。

二十陌畢。注孫叔敖碑收九畢之利。去水從省。案畢即臯之俗體。後漢書馬援傳注。謂成臯丞印臯字為

四下羊。顏氏家訓亦云。臯分澤外。世俗書也。此碑畢字與苑鎮碑畢字。韓勅碑陰畢字相近。當列下平

聲豪韻。隸釋以為澤字省文。此因編在入聲陌韻。並誤。

二十二昔亦。刊本訛太。據郝閣頌亦莫儼象句改。

易。注義皆作奕。案李翊碑奕世載德。本作奕。不作易。楊震夏堪二碑又正用易字。此云義皆作奕。並誤。

驛。注費鳳別碑諸姑成驛。誦義作驛。案文義以驛為辨。與驛無涉。此仍隸釋之誤。

二十三錫般。案馮煥詔掩卒搗般。般即般字。此作擊。誤。

二十四籛識。注樊毅脩華嶽碑。周禮識方字。案爾雅籛黃蔴。夏小正作識。顏氏家訓作籛。蓋識職二字通用。

用。


二十五德勅。案楊統碑勅銘鴻勳。勅即契字。說文契。刻也。碑蓋以勅為契。又易刀旁為力旁。此作勅。誤。

二十六緝邑。刊本訛邑。據韓勅碑復顏氏。開官氏邑。中緝句改。

二十九葉葉注。郭輔碑葉葉昆嗣。義作葉。案葉卽莘字。有類篇可證。此作葉誤。  
三十二洽洽注。音洽。案集韻洽楷。本名亦作合昏。洽與合同音。當列二十七合韻中。此音洽。編入洽韻誤。

附字

冊字注。德惠攸長。案攸。史記作脩。容齋隨筆引史記亦同。此本張徽所錄始皇碑文。攸卽脩之省文。張表碑雅藝攸載。婁壽碑攸春秋可證。又每稱年者輒五字一句。非也。刊本脫一字兩字。又嘗見泰山詞石本則書爲廿有六年。刊本詞訛祠。廿訛世。並據容齋隨筆增改。




四庫全書考證卷二十

經部

六藝綱目

隸辨

重修廣韻





六藝綱目 元舒天民撰 舒恭注 趙直中附注

卷上

六藝之學。五禮、六樂、五射、五御、六書、九數。原本脫五御二字。據周禮增。  
五禮祀昊天詞條。某敬拜皇天之祐。見大戴禮公符篇。地示人鬼二詞未聞。案大戴禮公符篇。敬拜皇天之祐下有云。薄薄之土。承天之神。興甘風雨。庶卉百穀。莫不茂者。既安且寧。維予一人。某敬拜下土之靈。皆漢昭帝冠辭也。此既以皇皇上天云云爲祀昊天之神。則亦當以薄薄之土云云爲祀地之神矣。不得謂地示與人鬼俱在所未聞。附識。

四方百物所祭之牲條。祭山曰廋縣。原本廋訛府。據爾雅改。

冬見曰遇條。曲禮曰。天子當依而立。諸侯北面而見。天子曰覲。原本曲禮訛儀禮疏。今改。

六樂唐堯之樂條。高帝六年。改大韶爲大始。原本六訛四。據漢書改。

五射發而不中條。服不氏以旌居乏而待獲。原本乏訛正。據周禮改。

卷下

六書。蘭蕙之類。上形下聲。案蘭蕙。周禮疏作葦藻。

問聞之類。內形外聲。案問聞。周禮疏作闐闐。

隸辨 長洲顧藹吉撰

卷一 平聲

支韻支注。從手持半竹。原本持訛從。據說文改。

佳韻崇注。燒柴燔燎以祭天神。原本柴訛崇。據說文改。

卷二

陽韻蔭注。蔭靡。夔冬也。原本複衍蔭字。又靡夔二字互倒。並據說文刪改。

卷三 上聲

海韻陵注。改從支。原本支訛久。據說文改。

獮韻璉注。曹全碑陰。原本碑陰二字互倒。今改。

卷四 去聲

暮韻莫注。莫。日且冥也。原本且訛旦。據說文改。

卷五 入聲

麥韻贗注。周易疏義。隕。深也。原本疏義二字互倒。據六書通改。

卷六

偏旁久注。象人兩股。原本股訛脛。據說文改。  
夾注。從大象兩亦之形。原本脫形字。據說文增。

卷七

碑考韓勅後碑。金石錄作韓明府孔子廟碑。案孔子廟三字。郭宗昌金石史作叔節修孔廟禮器七字。  
孔宙碑陰。以門生故吏名五篆字題其上。凡三列六十二人。案六。楊用修金石古文作四。  
魯峻碑。熹平二年。案二。郭宗昌金石史作元。

卷八

周公禮殿記。鍾會於魏咸熙元年始入蜀。原本魏訛晉。據輿地碑目改。

重修廣韻 宋陳彭年等增修

卷一

上平聲一東。鷓字注。鷓鷯。鳥名。又美形也。出廣雅。案今廣雅無此文。

鯛字注。又直冢。直柳二切。案漢書地理志。汝南鯛陽縣。孟康曰。鯛音紂。紅反。春秋左氏襄四年傳。釋文。後漢書陰識傳注。鯛音紂。皆用漢書孟康紂。紅反之音。而失其紅反二字也。此存直柳一切。并收鯛字入上聲有韻。蓋承其誤。

中字注。漢書藝文志有室中周著書十篇。案今藝文志無此語。唯高惠高后文功臣表有清簡侯室中同。史記高祖功臣侯年表作清簡侯空中同。集解徐廣曰。空一作室。索隱曰。室中姓見風俗通。而水經河水注亦云。漢高帝八年封空中同於清。

蟲字注。有曲成侯蟲達。刊本達訛進。據漢書高惠高后文功臣表改。又案史記高祖功臣侯年表作曲城侯蟲逢。索隱引楚漢春秋作夜侯蟲達。

終字注。又齊人謂椎爲柎。案此句出方言。今方言與周禮考工記。禮記玉藻。並作終葵。廣雅又作柎。揆。此作柎。本之玉篇。

涇字注。縣名。在酒泉。案漢書地理志。後漢書郡國志。酒泉郡下並作樂涇縣。此訛涇爲涇。蓋承玉篇之誤。舊唐書又作樂涇。

豐字注。鄭公子豐之後。案左傳公子下當重一子字。

公字注。季武子庶子公沮。案沮左傳作鉏。

鴻字注。衛大夫鴻聊魋。案左傳聊作駟。

蓬字注。周割巴州之伏虞郡於此置蓬州。案隋地理志。巴州安固縣。後周置蓬州伏虞縣。梁置曰宣漢。及置伏虞郡。開皇初郡廢。十八年改焉。則伏虞爲郡時不得屬巴州。此誤。

三鍾鑪字注。革乾也。刊本革訛牽。據顧炎武本改。

四江字注。爵封于江陵。案漢書地理志。汝南郡安陽侯國。應劭曰。故江國。今江亭是。後漢書郡國志。安陽。陽有江亭。故國。嬴姓。左氏僖二年傳注。江國在汝陽安陽縣。此誤。

涇字注。又音控。刊本控訛。據顧炎武本改。

懣字注。駟氏懣。案左傳昭十九年傳作駟氏聿。說文引左氏作懣。五。从心。雙省聲。

五支枝字注。楚大夫枝如子弓。案弓。左傳作躬。

鄧字。案鄧。隱本一字。襄七年三傳作鄧。說文作隱。此誤。分爲二。九經字樣及集韻合之爲是。

離字注。孟軻門人有離婁。案趙岐孟子注。離婁。黃帝時人。與此異。

蠡字注。匈奴傳有谷蠡王。刊本王訛也。據漢書改。

鄧字注。鄧。城名。在北海。刊本北海二字互倒。案後漢郡國志。北海國都昌縣注。左傳齊遷紀之鄧城。地在

縣西。今據改。

犖字注。羊名。犖皮可以割黍。刊本黍訛黍。據說文改。

賀字注。亦作贖。刊本贖訛購。據玉篇改。

六脂鉞字注。犂館別名。刊本館訛館。據集韻改。

次字注。具次山。案次山海經及莊子徐無鬼篇作茨。

漬字注。水名。在常山郡。案地理志及水經注。常山郡無漬水。恐是泝滋二字之誤。

隴字注。隴涿隴久雨。刊本隴並訛濱。案疾資切。一紐內不應有兩濱字。今據玉篇改。

尸字注。秦有尸俊。刊本俊訛伎。據漢書藝文志。後漢書宦者呂強傳注。隋書經籍志改。

鄧字注。鄧丘地在陳留。案鄧三傳皆作葵。後漢郡國志。陳留郡外黃縣有葵丘聚。

蠶字注。蠶蟹。刊本蟹訛蠶。據山海經西山經改。又案西山經無一首二身句。惟北山經云。渾夕之山有地。

一首兩身。名曰肥遺。見則其國大旱。此蓋合兩條爲一。

麋字注。麋鹿屬。冬至解其角。案冬至角解。是麋非麋。詳見御製。但各書承訛已久。此又拘于聲韻。姑仍其舊。

七之其字注。陽阿侯其石是也。案阿。史記及後漢書俱作河。

八微肥字注。左傳有肥義。案肥義。趙武靈王時人。見戰國策及史記。此誤。

毘字注。如鼻。人面一足。刊本鼻訛鼻。據山海經改。

九魚魚字注。宋公子魚。案左傳當作宋公子子魚。

廬字注。周威王時。案水經廬江水篇注。引廬山記作周武王時。

十虞瑜字注。方言。墳瑜培塿。塿塿塿塿。案方言塿作采。無塿字。

鄆字注。漢鄆縣。今鄆城是。隋改作鄆州。案漢無鄆縣。元和志。鄆州。漢爲上郡雕陰縣之地。後魏爲鄆州。大

業初。復爲上郡。武德元年。復爲鄆州。此誤。

扶字注。公羊傳曰。扶寸而合。注云。側手曰扶。案今公羊傳作膚寸而合。注作側手曰膚。唯尙書大傳作扶寸而合。與此同。注云。四指爲扶。音膚。

隋字注。陽隋。澤名。案周禮。淮南子。說文。風俗通義。並作楊紆。爾雅作陽隋。呂氏春秋作陽華。地理志作揚紆。漢書嚴助傳。注作楊汙。

十一模壺字注。漢有諫議大夫壺遂。案漢書百官志。武帝置諫大夫。世祖以爲諫議大夫。壺遂乃武帝時人。不應有諫議大夫之名。此誤。

鹽字注。陳楚人謂鹽池爲鹽。出方言。刊本鹽訛鹽。今改。又案方言無此句。

屠字注。左傳。晉有屠岸賈。案屠岸賈見于史記。漢書。而左傳無之。此誤。又古今人表。岸作顏。

塗字注。漢諫議大夫塗暉。刊本暉作禪。案兩漢無塗禪。唯漢書儒林傳及後漢書賈逵傳有塗暉。禪字明係暉之訛。今據通志氏族略改。又議字亦衍。

鷓字注。鷓鷠。刊本鷓訛鷓。據爾雅改。

盧字注。孟子有屋盧子。著書。案盧。孟子作廬。

烏字注。齊大夫烏枝鳴。刊本烏訛鳴。據左傳改。

鷓字注。俗謂之桐河也。案桐。爾雅注作淘。

十二齊趨字注。趨。鞵。四夷樂也。案趨。鞵。周禮作鞞。鞵。

西字注。日在西方而鳥棲。刊本棲訛西。今改。

犀字注。又姓。秦有犀首。案史記犀首者。魏之陰晉人。名衍。姓公孫氏。司馬彪曰。犀首。魏官名。若今虎牙將

軍。此作秦。誤。

昵字注。水潦所止爲昵丘。案昵。爾雅作泥。

繫字注。枕繫梅。刊本枕訛枕。據爾雅改。

圭字注。孟子六十四黍爲一圭。十圭爲一合。案今孟子無此語。

十三佳甄字注。甄甄。刊本甄訛甄。據廣雅改。

十六貽開字注。開方衛公。案呂氏春秋公下當有子字。

媵字注。十葍曰媵。案此書五旨葍字下引風俗通葍生垓。垓生壤。壤生溝。此云十葍爲媵。未詳所出。

澦字注。澦水名出蜀。案說文澦水出蜀。汶江徼外。東南入江。从水。我聲。漢地理志澦訛作澦。師古注。音哉。

然徐鍇說文繫傳云。漢書澦出汶江縣徼外。偶和反。則知徐所見之漢書。仍不誤也。此襲師古之謬。

十七眞歐字注。秦穆公時有九方歐。刊本脫九字。據說文增。

人字注。吳有行人儀。案行人儀見于禮記。若國語有行人奚斯。無行人儀。

蒼字注。蒼一名牛藻。葉大。刊本訛蒼牛。似藻而葉大。今改。

鬩字注。馬陰淺黑色。案爾雅陰白雜毛曰鬩。注。陰淺黑。蓋謂淺黑爲陰也。此刪去白雜毛三字。而以陰淺



黑二字釋駮字。是又誤會陰字義矣。

二十文啟字注。摩也。刊本也。訛上。據玉篇改。

湏字注。一云在美陽。案春秋莊四年左氏傳。陰道梁。澐注云。澐水在美陽。厥縣西東南八湏水。此美字係

義字之訛。

鼓字注。以鼗鼓鼓軍事。刊本下鼓字訛掌。據周禮改。

鵬字注。春屬鴝鵒。刊本鵬上衍鵠字。據爾雅刪。

二十二元蚺字注。在草曰蜥蜴。刊本草訛州。據說文改。

蜴字注。禁原蠶。刊本禁訛策。據周禮改。

諛字注。孟子曰。故諛諛而來。案今孟子諛作源。此據說文。

媛字注。嬋媛枝相連引。刊本嬋訛嫵。案張衡南都賦。垂條嬋媛。注。嬋媛引也。今據改。

藩字注。蕩芴葉如韭。案芴爾雅作苳。又爾雅苳一名苳。一名苳。此云蕩芴。誤失其讀。

二十三魂巖字注。巖于不可知也。案此語本說文。今訛文巖作昆。

二十五寒匣字注。出字書。案匣字見周禮春官司巫職。

安字注。武德年討平王世充。改爲安州。案隋書地理志。安陸郡。西魏置安州總管府。則不自唐始也。此誤。

檀字注。太公爲灌檀宰。案檀博物志作壇。

二十六桓桓字注。周書曰尙桓桓。案桓。今本尙書作桓。

鑑字注。竹名。出南嶺。案南嶺係嶺南之訛。

鄴字注。邾婁之邑也。刊本婁訛鄴。據公羊傳改。

鵠字注。鵠兜。四凶名。古文尙書作鵠。刊本鵠訛鵠。據顧本改。

繫字。案繫。集韻作番。與此注合。

二十七刪駢字注。有江東駢。案駢。漢書作駢。

二十八山驪字注。齊景公勇臣成驪。案今孟子作成驪。此據說文。

卷二

下平聲一先揲字注。縣名。在東萊。又輟字注。布名。案說文有揲字。無輟字。輟字注。胡田切。布出東萊。是布以縣得名。非縣以布得名也。顏師古于漢書地理志輟縣下注云。輟音堅。要與說文不背。自玉篇于揲字注云。縣名。于輟字下注云。布名。廣韻因之。于是揲縣之揲與輟布之輟。始分爲兩字。諸史地志于東萊之縣。或有作輟字。或有作似字者。尤爲無據。

田字注。釋名土已耕者曰田。刊本脫名字。今增。

佃字注。乘中佃。即轅車。古卿車也。刊本卿訛輕。據左傳注改。

佃字注。乘中佃。即轅車。古卿車也。刊本卿訛輕。據左傳注改。又案。編部。左傳作編。附。此據說文。

玆字注何故使吾水玆刊本吾訛君據說文引左傳改

二仙便字注漢有少府便樂成案師古曰杜周傳作史樂成霍光傳作使樂成故當姓史或作使字而表  
誤爲便耳此據漢書恩澤侯表及百官表

蠲字注沙蟲也刊本蝨訛蠲據博雅改

蠲字注蠲額刊本訛蠲據顧本改

匱字注簿也案方言簿謂之匱璇此簿字當作簿

鄆字注邾婁邑名刊本婁訛鄆據公羊傳改

魯字注古縣名案地志魯俱作卷兩漢屬河南晉屬滎陽

三蕭恍字注輕薄刊本輕訛轉據顧本改

僚字注晉楊氏大夫僚安刊本楊訛陽據昭二十八年傳改

四宵繇字注我歌且繇案繇今詩作謠

五肴膠字注鷄鳴膠案膠今作膠

茅字注前茅慮無明案今左傳無明字此衍

枹字注枹有三枹案今詩枹作苞枹作藥此據說文

六豪豪字注隋改爲州案唐書地理志濠州初作豪元和三年改從濠與此同元和郡縣志隋開皇三年

爲濠州。後誤去水。元和三年又加水焉。又與此異。

整字注。前高後下丘名。案整。爾雅及詩傳俱作旄。

寇字注。吳主四子名字。旵也。刊本訛作吳主四子字名也。據吳志裴注改。

嶲字注。平嶲山名。在齊。出地理志。案漢書地理志。詩曰。遭我虜嶲之間兮。注。嶲山名也。字或作嶲。亦作嶲。

此云平嶲山名。不知何據。

七歌。諷字注。諷以謚我。案毛詩作假以溢我。

八戈。悤字注。悤題縣名。案漢地理志屬清河。不屬涿郡。此誤。

桎字注。桎接慮李。案桎。爾雅作座。

餓字注。餓恆。癡貌。案恆。顧本作偃。下同。

九麻。殿字注。以手收除。刊未脫手字。據顧本增。

假字注。鄭公孫假。案假。左傳作段。此據說文。

耗字注。周禮云。聘禮曰。案此周禮象胥注所引聘禮也。刊本云字當作注。

飲字注。飲。飲猶飲。飲也。刊本訛飲。飲猶飲。飲也。據海篇改。

十陽。庠字注。商曰庠。周曰序。案虞有上庠下庠。則虞亦名庠。夏有東序西序。則夏亦名序。若殷曰序。周曰

庠。則孟子語也。此據說文。

梁字注。子孫奔晉。以國爲氏。案春秋梁亡在僖公十九年。而左傳桓三年晉有梁宏。閔二年有梁餘子。僖八年有梁由靡。則晉固先有梁氏矣。又案東觀漢記。先與秦同祖。別封于梁。與此之周平王封其少子者異。

房字注。秦爲房陵郡。案漢地理志。漢中郡。秦置。統房陵。則房陵在秦時未嘗爲郡。此誤。張字注。謂跪曰張。案方言。跪謂之張。登。注。今江東人謂長跪曰張。登。此誤。刪。登字。

邛字注。縣名。在沛郡。案漢地理志。沛郡之縣作芒。

牀字注。遜于牀下。案今易作巽。在牀下。

槍字注。刺。葦傷盜謂之槍。案葦非能傷人者。集韻類篇及通鑑釋文辨誤俱作刻木。惟五音海篇與此同。十一。唐唐字注。隋爲顯州。貞觀改爲唐州。案舊唐書地理志。唐州。隋淮安郡。武德四年改爲顯州。五年又分置唐州。貞觀九年改顯州爲唐州。此同。元和郡縣志。

堂字注。楚邑。大夫五尙爲之。案堂。左傳作棠。五作伍。唐石經初刻作五。風俗通作堂。棠字注。夫漑奔楚爲棠谿字。案漑左傳作槩。棠作堂。

當字注。蓋取燒當羌以名之。案唐書地理志。以地產當歸故名。與此異。臙字注。耳下池也。刊本脫池也。二字。據顧本增。

獻字注。穀不升謂之獻。案博雅。四穀不升曰獻。穀梁傳又作康。

荒字。刊本訛荒。案說文从川亡聲。今據改。

餽字注。餽餽錫也。刊本錫訛錫。據博雅改。

驢字注。決驢馬旋毛在脊上。案決爾雅作闕。

忼字注。映忼狼戾。刊本忼訛快。據集韻改。

十二庚。恍字注。恍飯不如壺滄。案恍國語作觥。滄作殮。又章昭曰。觥大也。與此據說文云小兒者異。

平字注。白狄吧子。案漢地理志遼西郡肥如縣。應劭曰。肥子奔燕。燕封于此也。此吧子當是肥字之誤。

也。又武德初爲平州。案晉書地理志。漢末公孫度自號平州牧。平州初置。以慕容廆爲刺史。則不始于唐也。

榮字注。漢有榮啟期。案榮啟期見莊子。非漢人也。此誤。

笙字注。女媧造笙簧。案造禮記作之。

衡字注。衡魯公子。刊本子訛字。案左傳注。公衡成公子。今據改。

覈字注。一曰室覈。案訛文作窶覈。

十三耕。閔字注。漢有閔孺。案史記正義曰。閔名也。孺幼也。則閔非姓。

玎字注。又齊太子伋諡玎公。案伋諡又見十五青丁字下。

瑋字注。魯城北門池也。案顧炎武曰。公羊有爭門。是門以水名。省文作爭爾。

彌字注。弓弱兒。案說文作弓強兒。與此異。

十四清成字注。後爲南秦州。梁廢帝改爲成州。案魏地理志。南秦州正始初置。隋地理志。後魏曰南秦州。西魏曰成州。元和志。魏置仇池鎮。又改爲郡。梁改曰秦州。齊廢帝改爲成州。語各異。

聲字注。蔡大夫聲子。案左傳聲子。楚大夫。非蔡大夫也。此誤。

名字注。春秋說題辭云。刊本題辭字。據古微書增。

并字注。魏復置并州。案晉地理志。漢武帝置十二州。并州依舊名不改。

輦字注。一輪車。刊本脫一字。據說文增。

十五青鵠字注。鵠鶴鳥也。案鶴顧本作鷗。

颺字注。孝廉郎終軍識之。案水經注。識豹文鼠者。乃竇攸。非終軍也。此承郭璞之誤。

冥字注。漢有冥都爲丞相史。刊本脫史字。據漢書儒林傳增。

十六蒸陵字注。漢有高陵顯。案史記。漢書俱作高陵。君顯。張晏曰。名顯。封于高陵。

乘字注。漢有乘昌爲棗棗侯。案乘。漢書功臣表作革。

拊字注。拊馬壯吉。案拊。今易作拯。說文云。拊。又作橙。徐鼎臣曰。今俗作拯。非。李登聲類。又作承。

興字注。爲白馬氏之地。刊本氏訛互。據元和志改。又梁爲興州。案隋地理志。東益州。梁爲武興蕃王國。西

魏改爲興州。

慶字注。在吳興孫權射虎處。案吳志。權將如吳射虎于慶亭。則不得在吳興也。興字當是郡字之訛。元和志云。慶亭在丹陽郡丹陽縣東四十七里。

十七登朋字注。武王說箕子之對賜十朋也。案今書無此語。

十八尤優字注。史記楚賢臣優孟。案史記優孟者。楚之樂人也。索隱曰。優者。倡優也。此以爲賢臣姓優者。誤。

畀字。刊本訛專。據說文改。注同。又畀。今書作由。藁古史作山。徐鼎臣曰。說文無由字。今尙書只作由。蓋古文省。而後人因之。

適字。案漢地理志注。師古曰。古適字。此誤分爲兩。集韻合之者是。

韃字注。韃韃載喪車。案集韻載麥三箱車。或說載喪車者非。

州字注。五黨爲州。刊本五訛吾。據周禮改。

蠖字注。蠖。蠖。刊本蠖訛。據爾雅改。

丘字注。孟子。齊有曼丘不擇。案今孟子無此文。又列仙傳有浮丘公。案古浮包字同。公羊傳盟于包來。

左氏作浮來。浮丘伯見漢楚元王傳。而鹽鐵論作包丘子。是浮丘公與上所引苞丘先生同爲一人也。

又齊有勇上菑丘訢。刊本訢訛。據越絕書改。又案吳越春秋作椒丘訢。博物志作蕃丘訢。俱與此

異。下引蔡丘欣。喪馬淮陽。亦人同字異也。



求字注。漢有求仲。刊本仲訛伸。據羣輔錄改。

齧字注。榆人醬。案齊民要術。二月榆莢收乾可作醬。此人字當莢字之訛。顧本作榆子。

繆字注。絲千累。案說文。繆。泉之十絜也。後武彪切之。繆字下亦引之。此千累當是十絜之誤。

十九侯侯字注。曹有豎侯氏孺。案左傳作曹伯之豎侯孺。

緞字注。再染曰緞。三入成纁。案爾雅。再染謂之頰。注。染赤。考工記。三入爲纁。五入爲緞。注。染纁者三入而

成。又再染以黑則爲緞。此誤會鄭注刪去以黑則三字。以致顛倒纁緞之序。

極字注。夜戒守有所擊也。刊本擊訛繫。據說文改。

二十一侵尋字注。八尺曰尋。刊本八訛六。據周禮地官注及說文改。

鄠字注。有周大夫鄠臍。刊本臍訛肝。據左傳改。

葳字注。酸漿草也。刊本漿訛蔣。據爾雅改。

垆字注。垆。古國名。案垆。左傳作斟。此據汲郡古文。

二十二覃鄠字注。鐔城。縣名。刊本鐔訛潭。今改。又案漢地理志及說文城俱作成。此與淮南人間訓。山

海經。水經注同。

南字注。六國時有南公子著書。案漢書項籍傳注。服虔曰。南公。南方之老人也。藝文志南公三十一篇。六

國時陰陽家亦無子字。又古有善暴背于南榮之下者。刊本脫下字。今增。

錡字注。矢人豈不仁于錡人哉。案錡。孟子作函。下同。

淦字注。吉州有新淦縣。水所出入湖。案漢地理志。豫章郡新淦。應劭曰。淦水所出。此水字上脫淦字。

二十四鹽戶字注。一曰屋椳也。刊本椳訛招。據說文改。

二十六咸鬣字注。狡兔。刊本免訛鬣。據說文改。

卷三

上聲一董從字注。寵從。刊本寵訛寵。據集韻改。

穉字注。其飛也。穉。刊本脫穉字。據爾雅增。

二腫銅字注。又直柳切。案銅字無紂音。此沿俗本左傳注之誤。

憑字注。愆憑勸也。刊本勸訛勤。據方言改。

慈字注。藺藹也。刊本訛藺蕩也。據博雅改。

四紙矮字注。羊相矮羶。刊本羶訛羶。據說文改。

媿字注。旣媿嬾於幽靜。刊本嬾訛嬾。據說文改。

薦字注。晉大夫薦伯。案薦伯周大夫。非晉大夫也。此誤。

膠字注。狹溝而膠我。案狹國語作夾。

笋字注。瀟笋。刊本瀟訛瀟。據爾雅改。

頰字。刊本訛頗。據說文改。

五旨机字注。族齒之山。多松柏机桓。案中山經作秩屬之山。

狝字注。兔喙而蛇尾。刊本兔上衍如字。據玉篇刪。

薤字注。又辛薤。辛夷別名。刊本薤訛雉。據本草改。

誅字注。累述前人之功德。刊本累訛欄。據釋名改。

燿字注。愚戇多態。刊本愚訛患。據玉篇改。

六止市字注。掌市之治教。刊本市訛市。又日昃而市。刊本日訛側。並據周禮改。

涇字注。江有涇。案涇。毛詩作汜。此據說文。

僂字。刊本訛徬。據說文及玉篇改。又注有所望而往。刊本有所訛看朔。今改。

士字注。晉康公庶子士貞之後。案史記晉無康公。此不知何據。

糗字注。說文引詩曰。不糗不來。案此爾雅釋訓文。毛詩無之。又從來矣聲。刊本从訛以。據說文改。

肺字注。食乾肺。案易經食作噬。

八語女字注。女者如也。案此語見博雅及釋名。此云禮記誤。

苴字注。苴勝胡麻。刊本勝訛趙。據玉篇改。

所字注。漢有諫議大夫所忠。案所忠見於漢書食貨志、郊祀志、及石慶傳、司馬相如傳。俱不言爲何官。又

百官表有諫大夫無諫議大夫。此不知何據。

楚字注。趙襄子家臣楚隆。刊本趙訛藤。據左傳改。

簾字注。飢牛筐。刊本飢訛飲。據說文改。

去字注。从大厶也。刊本厶訛口。據說文改。

九變雨字注。口象雲。刊本口訛門。據說文改。

舞字注。帝俊八子。刊本俊訛後。據海內經改。

塵字注。華陽國志曰。刊本脫陽字。據隋書經籍志增。

十姥五字注。有五奢案五。左傳作伍。又楚昭王時有五參蹇案國語無此人。

塢字注。戴延之西征記曰。刊本脫之字。據隋經籍志增。

鄔字注。鄔郡大守司馬牟之後。案古無鄔郡。左傳司馬彌牟爲鄔大夫。此言鄔郡大守司馬牟。未知何據。

颺字案。鄔颺只一字。與本韻鄔字音義俱同。此注引西京記云。抱土含颺。檢西京雜記並無其文。唯文選

西京賦有抱土含鄔之句。蓋省杜爲土。變鄔爲颺。而又訛賦爲記。

十一薺啓字注。雨而晝見日。案說文作雨而書姓也。

十五亥字注。晉有亥唐。案亥唐見孟子。此云戰國策。誤。

十六軫診字注。候脈。刊本脈訛脹。據漢書藝文志注改。

十七準尹字注。齊宣王有尹文子。刊本宣訛定。據漢書藝文志改。胸字注。漢胸膠縣名。案漢地理志胸作胸。師古曰音劬。此據說文。

十八吻麋字注。無勇麋之。案麋。左傳作麋。

二十一混混字注。春秋作混沌。案沌。今春秋傳作敦。

二十四緩統字注。候風羽出淮南子。案齊物訓統作倪。

二十八獮戡字注。八元名。案左傳元當作凱。此誤。

晉字。刊本訛晉。據漢書術藝傳及北史江式傳改。

鱒字注。魚名美也。案呂氏春秋魚之美。洞庭之鱒。此名也。二字。當是之者二字之訛。

二十九篠礲字注。石垂貌。刊本石訛杓。據玉篇改。

三十小趙字注。簡襄始大。列爲諸侯。案趙簡子襄子未嘗爲諸侯。此誤。

旒字注。帛全幅長八尺。曰。案曰上當有釋名二字。此脫。

矯字注。晉大夫矯父。刊本父訛文。今改。又案後漢書矯慎傳注。風俗通曰。晉大夫矯父之後。然左傳無此

人。此誤。

矯字注。後漢有矯慎。案矯。後漢書作矯。

三十二皓寶字注。地不愛其寶。刊本愛訛藏。據禮記改。

三十四果輅字注。車脂穀。刊本穀說角。據玉篇改。

火字注。河圖挺左輔曰。刊本挺訛挺。據孫穀古微書改。

三十七蕩暢字。案史記漢書俱作碭。

軌字注。輶軌輶也。刊本輶軌訛軌軌。據博雅改。

三十八梗。猛遇達。晉大夫猛獲之後。案宋有猛獲非晉大夫也。此誤。

四十餅字注。祭五帝則供餅金。案此爾雅註語也。餅金謂之飯。周禮正作金飯。

四十二拯殄字注。殄殄欲死也。刊本殄訛殄。據集韻改。下同。

四十四有九字注。昔岱縣人姓九百名里。案古無岱縣。此疑誤。

嬾字。刊本訛頓。據集韻改。

糗字注。舜飯糗茹草。刊本飯糗二字互倒。今改。

舅字注。秦大夫舅犯。案舅犯晉大夫非秦大夫。且舅亦非姓。此誤。

鯛字。案鯛音紂紅反。不音紂。此誤。

四十五厚笱字注。笱屬縣名。案笱屬晉書作勾漏。此從漢地理志。

駮字注。馬搖銜走。案駮字僅見于公羊傳。何休註云。捶馬銜走也。此蓋以捶訛搖。又互倒捶馬二字。

鰕字注。漢有鰕生。案索隱謂小魚。則非姓也。臣瓚謂楚漢春秋生本姓解。則亦非鰕姓。

四十八感歌字注。菖蒲菹也。案此係左傳注語釋文。歌在感反。正義齊兩歌魯公父歌。其音爲解。說文歌。盛氣怒也。从欠。蜀聲。玉篇。歌。徂感切。菖蒲菹也。然則傳之昌歌字合作歌。而唐人已誤作歌矣。

五十琰染字注。石勒時有染閔。案晉書染作冉。

五十五范鏐字注。東京賦云。金鏐鏐錫。刊本東訛西。據文選改。

#### 卷四

去聲一送箬字注。杯箬名。刊本箬訛箬。據玉篇改。

五寘杜字注。肉机。刊本机訛機。據方言改。

琬字注。玷堂隅可皮物也。刊本玷訛玷。皮訛致。並據禮內則注改。

彼字注。子西彼哉。案彼論語作彼。此據說文。

屣字注。舜去天下。如脫敝屣。案孟子作舜視棄天下猶棄敝屣也。

六至摯字注。周有摯荒。刊本周下衍禮字。據昭二十二年傳刪。

韜字注。杠絲名。刊本絲訛縣。據說文改。

驪字注。小兒多詐。僮。刊本兒訛冬。據方言改。

業字注。說文作業。刊本業訛菜。今改。

鞏字。刊本訛鞏。據玉篇改。

泗字注。受沛水東入淮。刊本沛訛沛。據說文改。

諡字注。易名。刊本易訛曰。據顧本改。又曳也。刊本曳訛申。據釋名改。

濬字注。出漢書王子侯表。案王子侯表無濬侯。惟功臣表有濬清侯。參此誤。

七志姝字注。謂之女姝。刊本姝訛誌。據顧本改。

蒼字注。上不蒼于凶德。案蒼尙書作忌。

八未魏字注。改置魏州。案元和志。周大象二年。于貴鄉縣東界置魏州。隋罷爲武陽郡。則魏州之名不始

于唐也。此似疏。

既字注。吳王夫既之後。案吳王夫既當作吳夫既。王然左傳既作槩。前十唐部引之又作漑。

九御豫字注。荆河惟豫州。刊本惟訛爲。據尙書改。又後魏置司州。刊本司訛同。據張士俊本改。又案元

和志。魏陳留王以司隸校尉所掌置司州。此云後魏置誤。

十遇芋字注。廣雅云。案廣雅無此語。雅當作志。郭義恭廣志云。芋凡十四種。君子芋。魁大如斗。青邊芋。旁

巨芋。車轂芋。魁大子少。雞子芋。色黃。與此所引微有不合。其以魁大如斗訛作大如斗。魁者尤謬。

十一暮沂字注。沂斗。案沂。博雅作源。

步字注。晉有步揚。刊本揚訛場。據僖十五年傳改。

十二霽第字注。今借爲兄弟字。刊本借訛今。今改。



滴字注。滴水出汝南新鄆。案滴。漢地理志作細。

殃字注。殃殃。殛妖也。案博雅。殃殃。困也。玉篇。殃殃。困極也。此殛妖當係極殃之訛。

十三祭衛字注。魏置朝歌郡。刊本脫郡字。據元和志增。

筮字注。巫咸作筮。刊本咸訛威。據說文改。

十四泰會字注。周爲防。案隋地理志。平涼郡會寧縣。西魏置會州。元和志。周保宣二年。廢州。改爲會防。此

不言魏置會州。則防上當有會字。且下云武德初置會州。并似會州之名直始于唐者。亦疏。

膾字注。膾弁如星。案毛詩膾作會。此據說文。

十五卦繡字注。繡徽乖違。刊本徽訛微。據集韻改。

十六怪忛字注。孝子心不若是忛。案忛。孟子作愬。說文又作愬。

十八隊背字注。棄背。刊本棄訛弁。案正韻。背。棄也。今據改。

對字注。漢文以責對。而爲言多非誠對。刊本脫以字爲字。又多下衍謂字。並據說文增刪。

十九代戴字注。本自宋戴穆公之後。案穆字衍。蓋因戴武宣穆之句而誤。

二十一震仞字注。七尺曰仞。案仞字詮解不一。有作八尺者。有作四尺者。有作五尺六寸者。此據論語及

儀禮注。

印字注。出自穆公子印。案此當作穆公子子印。

二十三問郡字注。上大夫受郡是也。案左傳上大夫受縣。下大夫受郡。此乃說文脫誤。  
二十八輪罕字注。栒罕縣。刊本栒訛抱。案漢地理志。師古注云。其字从本。今據改。下同。  
懷字注。巾。刊本擱訛捫。據說文改。

三十諫雁字注。贊用雁者。刊本贊訛鷺。據白虎通改。

三十二霰霰字注。積雪也。案積說文作稷。

縣字注。楚莊王滅陳爲縣。縣名自此始也。又姓。孔子門人縣單父。案左傳劉景遷于魯縣。則夏后氏已有縣之名。周書千里百縣。縣有四郡。亦周初制也。又家語。縣單父。作縣。史記索隱以爲縣豐。

霽字注。星無雲。案玉篇。霽。日出也。史記封禪書。霽。隕。漢書郊祀志。作晏溫。如淳曰。三輔謂日出清濟爲霽。今字典引說文。正作日出無雲也。則此星字當是日出二字之誤。

三十三線禪字注。封禪。刊本封訛圭。據玉篇改。

絹字注。繁總。鮮支。穀絹也。案博雅。繁。驄。作繁。縵。

蠟字注。蠅醜。蠟。案爾雅。蠟。作扇。

三十四嘯頰字注。薛綜云。低頭聽。刊本綜訛琮。據吳志改。又案西京賦。伏櫺檻而頰聽。注。頰。低頭也。此連

引聽字以解頰字誤。

三十五獎鶴字注。其雄曰鶴。刊本鶴訛鶴。據爾雅改。

三十六效鞫字注。持皮。案持字係治字之誤。

三十八箇軻字注。孟子居貧軻軻。刊本居訛與。今改。又案孟子題辭。孟子字未聞。疏。後世或云字子與。云。

四十禡褊字注。小兒衣。刊本衣訛褊。據玉篇改。

射字注。參連刻注。襄尺。刊本連訛遠。襄訛讓。並據周禮注改。

四十一漾相字注。空相機。案相。晉書孟觀傳作桐。此疑誤。

獲字注。陳桓子名。案左傳陳桓子名無字。玉篇獲後。陳公子名。

四十三映鏡字注。拾遺記。穆王時。渠胥國貢火齊鏡。刊本記訛錄。又渠下脫胥字。據拾遺記增改。

四十九宥窳字注。與之石窳之田。案左傳無之田二字。

五十侯鬻字注。形如重文。刊本重訛車。據山海經及文選注改。

### 卷五

入聲一屋驚字。刊本訛驚。據張士俊本改。

嗜字注。烏鳴。刊本鳴訛名。據集韻改。

蝮字注。蝮聽似蜥蜴。刊本蝮並訛隊。據玉篇改。

鉅字注。吳孫休三子名。案吳志注。太子名璽。次子名翼。三子名鉅。音如草莽之莽。此書于三十七蕩部內。

載鉅字。此復出鉅字。無據。

僕字注。僕鉛。案僕。爾雅作僕。

僕字注。彭僕。案僕。尙書左傳俱作僕。

幣字注。轅上絲也。案說文。幣。車上衡衣。玉篇。車衡衣也。此絲字當是衣字之誤。

偁字注。偁陽宋國。案左傳注。偁陽今彭城。傅陽縣也。此云宋國。誤。又穀梁傳偁作傳。古今人表作福。

掬字注。禮云。鬯白以掬。刊本禮訛札。白訛曰。並據禮雜記改。

涓字注。育陽所織。刊本育訛綉。據漢書地理志及說文改。

礪字注。黑砥石。刊本砥訛砥。據張士俊本改。

二沃。鑊字注。鑊。錡。矢名。案左傳作僕姑。此據說文。

三燭。鸚字注。鸚。鴉。鴉。鳥。刊本鴉訛項。今改。又案史記漢書鸚鴉俱屬玉。

鉛字注。磨錢取鉛。刊本錢訛銅。據漢書食貨志改。

四覺。鞞字。案考工記作鮑。

五質。郃字注。郃。成山。刊本成訛城。據玉篇改。

啖字注。噉。噉。刊本噉訛就。據集韻改。

六術。臚字注。臚。月在乙也。案爾雅臚作橘。

辭字注。儵。鮪。別名。刊本儵訛儵。據說文改。

八物屈字注。區勿切。刊本切訛初。據集韻改。

堀字注。蜉蝣堀閱。案堀毛詩作掘。

十月鑿字注。走之則顛。案呂氏春秋鑿趨則頓。走則顛。此衍之字。

十一沒赧字注。勒沒切。刊本勒訛蒲。據張士俊本改。

十二曷剽字注。擊破。刊本擊訛妍。據博雅改。

鑿字注。若鑿蔡叔是也。案鑿尙書左傳俱作蔡。漢書作粲。此據說文。

十三未昧字注。日中見昧。案昧易作沫。

懸字注。今汝懸懸。案懸尙書作聒。此據說文。

十四黠韻字注。漢韻羹候。案史記漢書俱作羹韻候。

十六屑馱字注。馱舖枝。刊本枝訛枝。據爾雅釋鳥改。

彌字注。布結切。刊本布訛方。據集韻改。

十七薛榻字注。說文。檠也。左傳。榻而書之。案說文木部不收檠字。于榻字下只作桀也。此榻而書之。見周禮泉府。又職金。榻而璽之。職幣。以書榻之。典婦功。物書而榻之。此云出左傳。蓋承說文之誤。至以桀爲

檠。則又因職金注榻檠之字而誤耳。

峇字注。說文作峇。案此處本文峇字當作峇。說文作峇之峇。从山。自聲。今同作一字。更無分別。

十八藥雀字注。雀入大水化爲蛤。案禮記無化字。

鵠字注。雀知太歲之所。案淮南子所下有在字。

螭字注。天神蟲。案說文神作社。類篇及作申。

鏗字注。關東名曰鹵斫。案今方言無此句。

十九鐸騷字注。苑名。刊本苑訛死。據說文改。

籥字注。烏冑作箛。刊本冑訛曹。據說文改。

二十陌嘆字注。嘆嘆不得語。案嘆嘆。文選作脈脈。

鸚字注。鸚虞。卽護田也。案鸚爾雅作澤。

釋字注。釋棘善理堅韌者。刊本韌訛刃。今改。

二十一麥脈字注。說文目纔視也。案張士俊本纔作邪。今說文作財。玉篇作相視也。類篇引說文又作目

略視也。

薜字注。爾雅山芹。當歸也。案此出張揖廣爾雅。非爾雅也。此誤。又廣爾雅芹作蘄。

蠅字注。烏蠅。刊本烏訛鳥。據爾雅改。

二十二昔厝字注。厝縣在臨邛。案下秦昔切。不厝字注云。在清河。此誤。

禘字注。大夫以石爲主。刊本石訛禘。據說文改。

二十三錫鬲字注。說文作彌。刊本彌訛鬲。據說文改。

檄字注。二尺書也。案後漢書光武紀注引說文云。以木簡爲書。長尺二寸。疑今本說文誤。

二十四職戠字注。說文闕。案禹貢厥土赤埴之埴。經典釋文云。鄭本作戠。

妣字注。婦官也。漢有鉤妣夫人。案漢書外戚傳注。自昭儀以下十四等無鉤妣之號。此誤。

柳字注。柳裴縣在魏郡。案漢書柳作卽。集韻作柳。

二十六緝紮字注。繫馬。刊本繁訛繫。據顧本改。

冊字注。說文數名。案今說文無冊字。

翎字注。漢有翎侯。刊本翎侯二字互倒。據漢書功臣侯表改。

二十九葉樞字注。今虎丘豆。案爾雅注無丘字。此衍。

譎字注。又狐譎縣名。刊本狐訛孤。據漢書地理志改。

三十帖貼字注。以物質錢也。刊本物下衍之字。據玉篇改。

媵字注。媵治。案顧本作始治。集韻云。媵治也。類篇同。

三十二狎霽字注。霽。陽縣名。案歷代地理志無此縣名。此疑誤。

